



**Vom Leben und Tod des Eerwirdigen und Hochgelehrten  
Herrn Heinrich Bullingers, dieners der Kyrchen zu  
Zürich, kurze einfalte und wahrhafte erzellung,**

<https://hdl.handle.net/1874/423533>

3

**Zum läben vñ  
tod desz Erwürdigen vñ  
Hochgeleerten Herrn Heinychen  
Bullingers / dieners der Kyrchen zu  
Zürych / kurze einfalte vñ warhafft-  
te erzellung / durch Ludwig  
Lauater Beschriben.**

Darzu ist komen die widerlegung Josie  
Simlers vff D. Jacob Andresen / zuge-  
nannt Schmidlins / erdichte schmaachre-  
den / wider die Antwort der dieneren der  
Kyrchen zu Zürich / vñnd Heinychen  
Bullingers vßgangen / in sinem letzten  
büchlin / die Abfertigung genant.

**Getruckt zu Zürich / by Christoffel  
Froschouwer. M. D. LXXVI.**

*[Faint, illegible text, likely bleed-through from the reverse side of the page]*

2  
Vom läben vnd tod des  
Erwirdigen vnd Hochgeleerten  
Herren Henrychen Bullingers/ die-  
ners der Kyrchen zu Zürich.



Schat mich fürnem-  
lich vmb zweyer vrsaa-  
chen willen für güt vnd  
fruchtbar angesehen/  
das ich von dem läben  
vnd tod des Erwir-  
digen vnd Hochgeleer-  
ten Henrychen Bullin-

gers kurtz vnd einfalt schreibe. Erstlich das  
nit nun zu Zürich da er lange zyt der Kyr-  
chen mit gesunder reiner leer / vnd from-  
mem vnsträflichem läben vorgestanden / vñ  
in der Eydgnoschafft / sonder ouch an vilen  
orten des Tütschenlands lieb vnd wärd ist  
gehalten / von wägen seiner gschufften / deren  
er vil vnd mancherley zu erbuung der ge-  
meind Gottes / in Latinischer vnd Tütscher  
sprach / in offnem truck hat lassen vßgon.  
Da mir nit zwyslet / dann das deren vil / so  
die selben läsend / gern von sinen sachen et-  
was wüssen wöltend / wie wir dann ge-  
meinlich geartet sind. Demnach ouch das  
rumb / das sich wol züuersehen ist / es

## Vom läben vnd tod

werdind von sinem tod an frömbden orten vil erdichter reden vßgon : wie dann die yennigen den buch habend so die waare einfalte leer hassend / daß sy den fürnemmen dieneren der selben by ander lüten ein vnwillen machend / von jnen vil vßgäbend das aber nit ist / damit sy der selbē leer verdächrig machind. Dann als vor einlif jaren zü Zürych ein stärbend vßgieng / vnnd Bullinger auch franck ward / do wurdend bald von sinem tod wunderbare lüg im land vmbgetragen / welche vil lüt für waarhafft gloubt hettind / wo in nit Gott widerum vßgericht / vnd er sy deshalbē mit der thaat der luge überzüget hette. Glychs ist mit Caluino vnnd anderen auch beschähen. Damit nun sömlich lychter rig lüt dester minder vsachen habind irem buch nach / vnuer schampfte reden von sinem läben oder tod vßzüspreitē / so wil ich / der in siner franckheit vnd sunst vil by vñ vmb in gwäsen / alle ding ordenlich erzellē / wär lust hat / findt dises vollkömner vñ wylöuffiger Latinisch durch Josiam Simler beschriben.

Als man zalt von der geburt vnsero Herren Jesu Christi 1504. Jar / ist Heinrich Bullinger zü Bremgarten (welche statt an der Riß einem fluß gelegen / den acht alten orten der Lydgnoschafft zugehörig) vff den 18. tag Hönwmonats geboren. Sin vatter hat gheissen Heinrich / sin müter Anna Wierkeerin.

derkeerin. Die Bullinger sind in die 200. jar  
 zu Biemgarten sesshaft gewesen/ vñ habend  
 daselbs ein eignen altar vnd pfründ gestift.  
 In der jugendt ist in die pestilenz angestos-  
 sen/ vnd habend die seinen vermeint er wäre  
 schon tod: in dē aber wie man in yetz zu grab  
 tragen wolt/ ist er einmals als vil als wi-  
 derumb läbendig wordē / des sich sine fründ  
 traffenlich verwunderet. Er ist auch in seiner  
 jugendt an ein pfffen gefallen / darvon im  
 der halß dermassen verschwollen ist / daß er  
 in fünff tagen weder spyß nach tranck daryn  
 hat mögen lassen/ vnd man in abermals ver-  
 schert hat. Es hat in ouch ein landbettler vff  
 ein zyt mit im wöllen hinweg fürē (one zwey-  
 sel daß man im von der vile der künden wä-  
 gen destermeer gäbe) aber lüt die in kennt/  
 habend in dem Bättler gnomē/ vnd wider-  
 umb gen huß gefürt. Diß erzellen ich allein  
 darumb daß man Gottes fürsichtigkeit in-  
 sonders gegen denē spüre / die er zu grossen  
 sachen bruchen wil / wie er sy so wunderbar-  
 lich erhaltet/ welches sy hernach ouch in jrem  
 dienst dester flyssiger macht / so sy daran ge-  
 denckend. Er ist nit gar fünffsärig gewesen/  
 als in sine eltern in die schül gethon habend:  
 da er sich bald in massen erzeiget/ daß man  
 hat hoffen mögen er wurde sin zyt wol anle-  
 gen. Diewyl aber der selbigē zyt in disen lan-  
 den/ vñ sonderlich in kleinen stetten die schü-

## Vom läben vnd tod

len eben schlächt warend/ habend in sine elter  
ren als er by 12. jaren alt was / gen Embriuch  
ein statt im Hertzogthumb Cleuen/ da selb  
ger zyt gar ein verrümpfte schül was / abge  
fertiget. Dan nach glegenheit der selbigē zyt  
lart man die anfang gar wol/ welches er offte  
gelobt/ vnd anzeiget wie man im vnd ande  
ren/nit nun die præcepta Grammatices flys  
sig fürgeläsen/ sonder sy ouch mit latin schry  
ben vñ redē geübt hab/ dar zū in güter zucht  
vnd meisterschafft gehalten / vñnd jnen nit  
(wie vil off den schülen beschicht) allen mü  
willen gstartet. Mit im hat ouch sin brüder  
Joannes zū Embriuch gstudiert/wellicher 8.  
jarē elter gwäsen ist/ aber vil gselliger. Diser  
ist volgender zyt priester worden/ vnd pfar  
rer im land Vry im houptfläckē. Als er aber  
mit den fürnempsten von Vry über das ge  
birg in Lamparten zoch/ vñnd sy zū Barron  
in Montprianzē/ von Keyserischē züsätzen  
überfallen vnd gschlagen/vil eerlicher redli  
cher knechten verlorend/ist er ouch wund vñ  
vßzogen wordē / hat darnach sich widerum  
vff die studia begäben/ vnd die Euan gelisch  
leer angenommen / ist erlichen kyrchen vor  
gstanden/ vnd zletst zū Cappel im kyrchen  
dienst vercheidē. Sin brüder Heinrych aber  
ist in die 3. jar zū Embriuch verharret/hat (wie  
es dozemal der gemeine bruch was) vor den  
häseren gesungen / das er sin vfhalt des  
sterbaff

## Henrychen Bullingers. 4

sterbaß haben möchte: Dann sine elteren im nit vil meer dann die zerung vff die reiß vñ notwendige Kleidung geben hattend. Er ist ouch allwegē übel mit den Schülern züfriden gewesen/ denen man ässen/trincken/Kleider/Bücher vñ alles was sy Bedürffend/vß gemeinem güt stüret/ wenn sy das selb nit habend betrachtet/ vñnd derhalben Gott vnd einer eersamē Oberkeit vñdanckbar gewäsen sind. Darnach ist er gen Eöln/ da ein herrliche hohe schül was/ der leer nach gezogen. Da sine eltern/diewyl sy sahend das der Kosten nit übel angelegt was in verlegt/damit er sine studia volführen möchte. Daselbst ist er in Bursa Montis angenomē/ da die Sophistry vñ vil vñndtigs disputierens vñ zankens gebucht ward/ darvon die gleerten am besten wüßend. Diß was im von natur widerig/ doch hat er darinnen ouch (wolt er gefürdet werden) sich müssen üben vñd erzeigen. In disen dingen diewyl in beduncken wolt mit denen studijs verlore er die güt zyt/ do begab er sich vff güte Authores: Sieng an hōren Martheum Frischheim/Arnoldum von Wesel/Joannem Cesarium/ vñ andere veronampte leermeister / laß ouch dabeimen die bestē Authores. Darnebend hūb er an vil vñ mācherley Bücher zūschrybē / vñ sich im stylo zūübē. Als die spraachē vñ güte künst wider anhubend grünen/was das den Theologie,



## Vom läben vnd tod

sonderlich aber den Priediger Mönchen/vn  
geschmackt / machend S. Keuchlin der ein  
sonderer liebhaber was geleerter lüten / vnd  
grosses ansehens / vil vnwillens / namend  
das zur handhaben / das er wider die Theo-  
logos hiele / Man solte der Zuden Bücher bes-  
halten / sy daruß zü widerwysen / vñ die He-  
braisch spraach zlerne: sy reiseten wider in an  
ein getoufften Zuden der Pfefferkorn ge-  
nannt / der wider in schryben vñ handle solt /  
welches ein grossen lerman gab: aber die ge-  
leerten allenthalben namend sich des Keuch-  
lins dapffer an / vnd widersatzend sich den  
Theologis, welcher fürnemmen douf gieng /  
das sy die spraachen vnd guten künst vnder-  
trucktind / vñnd in irer vnwüssenheit fürfü-  
rind. Sozermal giengend vß durch de truck  
Epistolg obscurorum virorum, vom Huteno  
vnd Glareano wie man sagt / darinnen der  
vermeinten Theologen vñ Mönchen läben  
vñnd kichelatin mit so holdfälligen schwen-  
cken vñnd possen dermassen vßgestrichen  
was / das yederman der sy kannt / vñnd vmb  
ir thün vñnd lassen wüssen trüg / iren lachen  
müßt. Es hat ouch Bullinger etwas wider  
die selben Sophisten vñnd den Pfefferkorn  
sich zü üben geschriben / gieng aber nit im  
truck vß. In disen dingen / als sich der span  
in der religion anfieng erheben / vnd sich mit  
den spraachen vñ guten künsten die warheit  
ye lens

## Henrychen Bullingers. 5

ye lenger ye mer herfür thet/fraget Bullin-  
ger etliche seiner leermeistern/diewyl er wil-  
lens were/mittler zyt der kyrchen Gottes zu  
dienen / was er für bücher fürnemlich läsen  
sölte/vnnd erstlich einen der die fürnemsten  
artickele der leer kurz begriffe. So riedtend  
sy im/er sölte an Petro Lombardo den man  
nennt den meister von Hohensinnen anbes-  
ben/welches er gethon. Bald hatt er ouch  
das Bapstlich rächt durchläsen/vnd diewyl  
er vil anzüg vß den heiligen alten Väteren  
im selben befunden/hat in für fruchtbar an-  
gesehen / das er der heiligen Väteren ges-  
chriefften ganz läse. Nun hattend die Predi-  
ger Münch zu Eöln gar ein güte libery/das  
rinnen der meerteil der gschriefften der H.  
Väteren behalten wurdend / die stünd im  
offen: dann ein Münch Georg Siener ge-  
nannt/ bürtig von Elgöw im Zürycher ge-  
biet gelägen / der hat in lieb von des landes  
vnnd seines flysses wägen / der ließ in in die  
lybery wenn er nun wolt. Also laß er die pre-  
digen des H. Chrysostomi über das Euan-  
gelium Matthei / ouch etliche bücher des  
H. Ambrosii/Origenis vnd Augustini/vnd  
sach daß sy vil anderst mit der H. Gschriefft  
umbgiengend dan Petrus Lombardus/ Gra-  
tianus vnnd andere. Ober das wurdend im  
heimlich zeläsen D. Luthers bücher von der  
Babylonischen gefengnuß/Von der Chri-

## Vom läben vnd tod

stenliche fryheit/Vertädigung der articklen  
von güten wercken/1c. Nach hat jm die Bap-  
stisch leer so starck yngebildet/ daß er sich nit  
gnügsam vß den fürgefalnen spänē der Re-  
ligion verrichtē fōndt: doch sach er wol das  
Luther sich mer der alten Väteren leer ver-  
glychet/ dann die Schülleerer / wie man sy  
nennt. Er gwaret ouch desse daß die Schül-  
leerer jr ding vß den Väteren / die Väter  
aber jr ding vß Heiliger gschriff vnder stün-  
dend züerhalten. Welches ein vrsach was/  
das er sich vff die H. gschriff allein / vnn-  
sunderlich vff das nūw Testament begab/  
laß es flyssig/vñ hielt der alten Väteren als  
Hieronymi vnnnd anderer vßlegung darge-  
gen. Also thet Gott gnad/das jm die ougen  
vßgiengend / vnd sich anfieng zur Euange-  
lischen leer zü neigen. Umb dise zyt ließ H.  
Philippus Melanthon ein kurtz Büchlin vß  
gon/Locos communes, Von den fürnemsten  
articklen Christenlicher leer / das hat er mit  
grossen fröuden geläsen. Im jar deß Her-  
ren 1522. ist er Magister artium worden/ als  
er 18. jårig was. Ehe wir aber von Eöln ab-  
scheidind/ müß ich vmb junger knabē willen  
diß kindtlich stuck erzellen. In ersten jaren  
als jst sine Elteren an gelt kein mangel zü  
Eöln ließend/ist er sampt andern etliche mal  
nach ein anderen zü einem Krämer gangen  
vnd hat krämlet: Do sy es aber übertryben  
woltend

woltend/ist der Krämer an sy gstanden vnd  
 hat sy wol beschelekt/ob ire Elteren wüßind  
 daß sy jr gält also liederlich vßgäbind/vnnd  
 söllind nit mer kōmen / oder sähen was jnen  
 darnach gang. Disen hat er oft als ein from  
 men eerlichen mann gerümpf. Dann deren  
 findt man vil/die den kindē das gält abnem  
 mend/vñ wenig darnach fragend was sy ler  
 nind/od für ein rechnung den jrē heimbün  
 gind. Als er von Cöln widerum heimzogē/  
 hat er sich dabeimen by sinen Elteren flyßig  
 geübt: Vnd wie man hort vnd verstünd das  
 er wol sölte gestudiert habē/ward er von ei  
 nem Apt vß dem Schwartzwald zu einem  
 Schülmeister berüßft. Wie er aber in dz klo  
 ster kã/sach er ein sömlich vnordenlich wäßen  
 das er vngnadet wider heim kart / vnd dem  
 Apt nit wolt dienen. Darnach ward er von  
 Wolffgäg Zoner Apt zu Cappel im Zürich  
 gebiet/einē fromen ernsthaften vnd Gottes  
 söchtigen mañ/zü einē Schülmeister ange  
 nomēn/ mit dem geding/das er sich irer ce  
 remoniē nit wölte beladen/sond allein sinen  
 studijs obligen/vñ der schülacht habē: wel  
 ches er am Apt bester baß haben mocht/die  
 wyl er ouch ansieng die warheit verstan/vñ  
 erliche irrthum kēnen. Doch so wznach kein  
 öffentliche reformation fürgenōmen. Dann  
 Zwinglius widerfacht wol die irrthumen/  
 vnd trüg die schlecht einfalt Euangelisch

## Vom läben vnd tod

leer der gmeind für / gütter hoffnung wenn  
man der warheit wol bericht wäre / so wür-  
dind alle mißbrüch von jnen selbs fallen/wie  
ouch zum theil beschähen ist. Der Apt was  
in etlichen articklen noch heffrig/nach ließ er  
mit jm reden:vnd wie jm Bullinger Bim H.  
Hieronimo / vnnnd anderen alten Väterren  
vnser leer vnnnd meinung zeiget / ließ er sich  
fründelich wysen/vnnnd namjn wunder daß  
er die ding so offrt geläsen / vnd jnen aber nit  
eigentlicher nach getrachtet/dann daß er im-  
merdar den gemeinen yrrhumben hette ge-  
folget. In disem jar hat Bullinger Zwinge-  
lium zum erstenmal gehörit predigen / hatt  
aber vorhin sin büch/ Von den articklen der  
Christenlichen leer g.läsen. Im läsen hielt er  
zü Cappel die ordnung:am morgē laß er die  
heilig Geschüfft / sieng an Paraclesi vnnnd  
Compendio Theologiae Erasmi, vnnnd Locis  
Philippi,laß garnach alle bücher deß nüwen  
Testaments: er machts alles Tütsch / dann  
meheteils vnder den MÜNCHEN der Latini-  
schen spraach fast vnbericht warend: zü dem  
giengend ouch die Leyen etwan in die Le-  
ction.Nach mittag laß er täglich vier stund  
Grammaticam,Dialecticam, Ciceronis vnnnd  
Vergilij bücher/vñ ouch etliche bücher Eras-  
mi/welche domal gar im louff warend. Dan  
der Apt hat ein sömliche liebe zur leer / daß  
er etliche junge knaben von Zürych vnnnd ab  
anderen

## Henrychen Bullingers. 7

anderen orten angenommen hatt/ vñ sy zur  
leer zog. Es ist auch die selb schul ein gute  
zyt nach des Apts tod vfrächt bliben / her  
nach zum Frouwenmünster gen Zürich ge  
legt wordē. Zu Cappel ist Bullinger bliben/  
hat allweg bekennet/ wiewol er grosse arbeit  
vnd ein schlechte besoldung ghebt / so sye jm  
doch sin läbenlang nie saß gewäsen. Er hat  
auch nit nun gläsen/sonder hernach zu Hu  
sen nit wyt von Cappel vnd anderswo ge  
prediget. Im predigen hat er dozermal vñnd  
hernach sich der einfalte beflissen/hober fra  
gen nichts gedacht/damit in der gemein mañ  
mit mer frucht möchte hören/ıc. In der 3yt  
hat er vil vnd mancherley tractetlin in Latio  
nischer vnd Tütscher spraach geschriben / vß  
welchen doch wenig in den truck kommen  
sind. Dañ er sy nit der meinung geschriben/  
sonder sinen guten fründen / die in darumb  
gebätten zu willfaren/welchen er die Bücher  
gäben / vnd jm selbs kein abgschufft daruon  
Behalten hat. Doch sind jm mit der 3yt wie  
derumb etliche zügsetzt worden. Sine vßle  
gungen aber über die H. Gschrifft hat er  
nachwertz anderst gestelt / vnd im truck las  
sen vßgon. Im 27. jar hat jm der Apt er  
laubt / daß er fünff monat lang gen Zürich  
zihen/daselbst die predigen vñnd lectionen  
Zwingli vnd anderer hören/die Hebraische  
sprach von Pellicano lernen/vnd auch in der

## Vom läben vnd tod

Griechischen sich wyter üben möchte. Umb  
dise zyt ist er gen Basel zum D. Decolam-  
padio gereiset / hat im zeläsen gäben sin La-  
tinisch Büchlin vom Ursprung des irr-  
thumbs / ic. welches im so wol gefallen / das  
er es hat trucken lassen / wiewol Bullinger  
damit nit gedienet was / dan er wolt es wyt  
lduffiger machē / welches ouch volgendes et-  
liche mal beschähen. Dises Büch ist zu Hei-  
delberg ouch Türsch vßgangen / vnd hat im  
by den frömbden allenthalben ein grossen  
namen gemacht. Im jar 24. der geringes-  
ren zal / als Zwinglin in die 5. jar gepredie-  
get / die rächten gründ des gloubens gelegt /  
die irrthum gestrafft / vnd sin leer in zweyen  
offentlichen disputationen / vnd ouch besun-  
deren gsprechen zu Zürych erhalten / hat ein  
ersame Oberkeit angefangen öffentlich re-  
formieren / vnd hat der MÜNCHEN vnd Pfaf-  
fen processionen abgestellt / sunderlich das  
man das heilig Sacrament nit umbrüge /  
diuwyl es richtig wider die erst ynsetzung  
wäre. Sy hat ouch etlich geordnet die über  
die Särch gangen / das gebein habend ver-  
graben lassen: man hat ouch die Orglen vß  
den kirchen gerhan / das lüten über die tode-  
ten abgestellt / item das wychen des salz-  
wassers / der palmen / item das verrichten  
der francken vß Papistische gattung / vnd  
anders derglychen so fein grund in Göttlich  
hem

Dem wort nit hatt. Darzwischen hielt  
 man noch Maß/ vnnnd stündend die Bilder  
 ouch noch in den kyrchen &c. Wider dise lob-  
 liche reformation ward vil von vilen gemein-  
 lich vnnnd sonderlich gredt vnnnd ghandlet/  
 wie es ein grosser fräuel wäre ein sömliche  
 Reformation anrichten / Dann sömlichs den  
 Leyen nit gebüren wölte / man solte vff den  
 Beschluß eines allgemeinen Conciliums  
 warten / oder wenn andere fürnemmere  
 Stett ein Reformation ansehnd : Wel-  
 ches alles ring ist zü widerlegen. Also thet  
 man allenthalben in der Statt vnnnd Land-  
 schafft Zürych die Bilder vß den kyrchen/  
 wo es das meer werden mocht / wo nit / da  
 hat man gedult biß man der sach vß Götts-  
 lichem Wort grundlicher Bericht wurde.  
 Mit der Maß aber wolt es nit so ring zü-  
 gon / diewyl man vorhin gemeinlich beredt  
 was / wie sy der gröst Gottesdienst wäre.  
 Dargegen Zwinglin nit vnderließ der wält  
 ynzübilden / die erste vnd rächte ynsatzung/  
 ouch den Bruch des Herren Nachtmals/  
 vnnnd wie mittler zyt sich darby grosser ir-  
 thumb vnd mißuerstand erhebt habe. Ehe  
 aber Zwinglin sin meinung von des Herren  
 Nachtmal hab offentlichen lassenn vßgon/  
 hat er vorhin sich von dem handel mit sinen  
 gütten vnd vertruwen fründen vnderredt/



## Vom läben vnd tod

vnder welchen auch Bullinger gewesen ist.  
Dann als er etliche Bücher wider Berengarium vßgangen flossig gläsen/hat er gesehen  
Dz sine wider sacher gwalt mit im gebriucht/  
sine argument nit vmbgestürtzt / vnnnd in zu  
verlougnen die warheit genötriget. Zu dem  
hat er ouch den H. Augustinum gläsen/wel  
cher an vil orten sagt/ das in Worten des H.  
Nachtmals der nammen desse das angebil-  
det oder bezeichnet wirt/den vsserlichen zeis-  
chen geben werde. Zwinglin widerhielt im  
ein wyl/ließ aber hernach vß/ er/ Bullinger  
herte recht / vnnnd müste sähen / das er die  
warheit vö diesem artickel klaar an tag brin-  
gen wölte / doch wäre es noch nit zyt/ dann  
man der kumligkeit erwarten müste / das  
sömlichs on ergernuß der zühöreren / die  
tieff in irrtumb stecktind möchte beschä-  
hen. Man findt ouch im läbē Pellicani wel-  
ches er mit eigener hand verzeichnet / wie er  
vor vnd ehe Luther vnd Zwinglius habind  
anfahen predigen/habe verstanden/ daß die  
wort / Das ist min lyb/ das ist min blüt / si-  
gürlich zäuerstön sygend: Namlich das die  
Sacrament zeichen sygend / die den namen  
der Bezeichnetē dingen empfahind. Er habe  
sich ouch mit Capitone darvon erspraacht/  
sy syend aber durch den falsche titel der Byr-  
chen dermassen verblindt gewesen / das sy  
der sach nit wyter habind dörfen nachsin-  
nen/

## Henrychen Bullingers. 9

nen/oder dem H. Augustino einfaltig in vß  
legung diser worten nachuolgen. Das aber  
mittlerzyt diser artickel von des Herren  
Nachtmal / so vil vnruw vnd zwoytracht ge-  
bracht / ist deren schuld die lieber jr eer dann  
Gottes eer habend wöllen vffnen / 2c. Im  
Kloster zu Cappel habend sich die Conuent  
Brüder zyrluch zur Reformation ergeben  
durch anstifften des Bullingers: irem exem-  
pel habend ouch andere gefolget: die jungen  
habend handwerch gelernet: die tugentlich  
zum predigen gewäsen/ geprediget/ die alten  
hat man mit lybdingē bis zu end irs läbens  
versähen. Etliche sind abgeträtten vnd in  
anderen Klösteren angenommen worden.  
Was gfaaren aber Bullinger in der endes-  
rung der religion von etlichen sinen miß-  
günstigen anfangs zu Cappel bestanden/  
wäre wyeldufftig zu erzellen. Als man zalt  
1528. ist zu Bern ein lobliche Disputation  
gehalten von den spänigen artickelē des glou-  
bens / daselbst hin ist Bullinger ouch vß ge-  
heiß vnd Befelch eines ersamen Raths der  
Stadt Zürich gezogen/vnd in viler frömb-  
der vnd heinnischer gleerter männer fundt-  
schafft kommen. Wie man aber nach gehalt-  
ner Disputation an vilen orten inner vnd  
vffert der Eydgnoschafft/die Papistisch Re-  
ligion fallen ließ/vnd das Heilige Euange-  
lium annam / hatt ouch sin lieb Vatterland

## Vom läben vnd tod

Dasselb/doch mit on grossen wider stand / an  
genommen/vnd ward Geruasius Schüler/  
der hernach gen Memmingen komen/ zum  
Pfarrer vfgestellt. Siewylaber Bullinger  
by vilen schon ein grossen namen hat/vnd er  
von etlichen burgeren von Bremgarten ge-  
bätten/das er in sinē Vatterland wölte pre-  
digen/ward er jnen desse zewillen/ vnd hūb  
an Anno 29. vff den S. Pfingstag zū predi-  
gen / vnd verschüff so vil das man bald dar-  
nach die bilder vñ altār vß der Fyrchen thet/  
vñ etliche zuchtordnungen machet. Er ward  
ouch vom Rath gebätten das er by jnen bly-  
ben/vnd also mit leeren vnd predigen fürfa-  
ren wölte. Do zeigt er an wie er sinen Her-  
ren von Zürich vñ dem Apt zū Cappel ver-  
bunden wære/on deren vorwüssen vñ erlou-  
ben/er sinen stand nit wurde enderen. Also  
schicktend sy ein Botschafft erstlich zum Apt/  
vnd demnach mit Petro Simlero gen Zü-  
rych/mit fründlicher Bitt / jnen genannten  
Bullinger zū erlobē/welches jnen zūgelas-  
sen ward. Ist also in die 3. jar nebend Gerua-  
sio dem Pfarrer/Predicant gewesen/hat am  
Soñtag die nachpredig/vñ sunst alle tag/an-  
statt der Vesper ein Lektion vß dem Nüwē  
Testament gethon. Desselbē jars hat er An-  
nam Adlischwylerin zur B. Ee genommen/vñ  
in die 35. jar fründtlich mit jren gehuset vnd  
glebt/ouch 11. Kind by jren gezeuget / deren  
etliche

erliche noch in läben sind. Nach jrē hat er 11. jar geläbt/vñ diewyl er sonst gesind gehebt/ kein ander wyb genomen. Zu Bremgarten aber habend die Widertöuffer wie ouch zu Zürich/vñ an anderen orten/den louff des H. Euangeliums nit wenig geschwellt/darumb er offentlich mit jnen disputiert/vñ sy jres irrthums widerwissen / ouch volgendes vier bücher wid die Widertöuffer/sampt einem büchlin Von zins vñ zähendē in truck hat vßgon lassen. Lange jar darnach hat er vollkōmner vñ wytlöuffiger von disem handel geschriben. Er hat ouch andere bücher in sinem Vatterland geschriben. In disen dingen hat sich in der Eydgnoschafft grosse vnrüh vnd krieg erhebt/da zu hinlegung der selben manche tagleistung zu Bremgarten ist gehalten worden. In sine predigen sind nit nun die Euangelischen / sonder ouch etwan die Papistische böttē kōmen zehören woz er sagte. Da hat er erlich mal sy ernstlich vermanet zu allen theilē/sy wellind bedenckē was grosser müy/arbeit vnd gfaar die Eydgnossen bestanden/ouch wie vil blüts sy vergossen/ee sy sich in dise herrliche fryheit gesetzt/söllind dhalbē nüt tātlichs wid ein anderen fürnemē/vñ nit selbs vsach gebē dz ein lobliche Eydgnoschafft zertrent werde/sonder früntlich mit einanderē syn/die spänigen artickel der leer mit der geschafft/

## Vom läben vnd tod

nit mit dem schwert an ein ort bringen: hat  
sich auch etliche mal erbotten/ die Euange-  
lisch Leer vß Göttlichem Wort zü erhalten.  
Ist auch von sines schidlichē predigens wä-  
gen/ hernach von vilen der anderen religion  
hoch gelobt worden. Als aber nach vil mit-  
lens vñ vnderhandlung/ die sach zü offnem  
krieg geriedt/ vnd Zwinglin sampt anderen  
eerenlütten zü Cappel erschlagen wurdend/  
hatt Bullinger zü Bremgarten keinen platz  
mehr/ zog desßhalben gen Zürych vff den 21.  
Nouembris. Drey tag darnach staltē in Leo  
Zude vnd andere zum Grossenmünster an/  
daß er predigete. Darzwüschend als der  
hochgeleert D. Decolampadius zü Basel  
verscheiden was / berüfft in ein Ler sammer  
Kath daselbst an desß abgestorbnē statt / dan  
jre botten in etliche mal zü Bremgarten hats  
tend gehört predigen. Er ward auch gen  
Bern in Vechtland berüfft. Aber ein eersam  
mer Kath Zürych hieß in vff sy wartē: ward  
also von Rätthen vnd Burgeren den 9. Den  
cembris / zum Pfarer an Zwinglij statt an-  
genomē der in in sinem läben lieb gehebt/  
vnd auch etlichen vertruuten hat angezeigt/  
so er nit vß dem krieg widerkommen wurde  
wäre er an sin statt ein taugenliche person.  
Wiewol aber die sach im schwer was / in des-  
sen sorglichen vnd widerwertigen löuffen/  
so hat er doch im nammen Gottes / sich lasse  
sen

sen Buchen zum dienst der kyrchen Zürich/  
 hat die kleinmütigen gesterckt vnd getröst/  
 die fräcken gestrafft/ die vberichten fründe  
 lich vnderwisen. Es warent noch vnder den  
 Chorherren Zürich etlich die sich von Zwin-  
 glius nit woltend wysen lassen / die hernach  
 als Bullinger fründlich mit jnen redt ( jnen  
 Bücher schob/vñ sich erbot / wo sy mangel an  
 sinen predigen hettind/ so wölte er gern mit  
 jnen conferieren) sich auff den rächten wäg  
 habend lassen wysen. Wie aber Zwinglius  
 nit nun geprediget / sonder ouch in Theolo-  
 gia geläsen hat / da hat Bullinger allein die  
 predigen deren vil was/verfähen: Theodo-  
 rus Büchmann aber ein geleerter vñnd vi-  
 ler sprachen erfarnier mann / von Bischoff-  
 zell bürtig vñnd Burger zü Zürich / hat  
 das alt Testament in der Schül vßgelegt.  
 Bullinger hat sin vßlegung über die Episto-  
 len Pauli/vñnd andere gschufften bald vß-  
 gon lassen / welches dozermal so vil größer  
 was vñnd schwerer / das wenig darüber  
 geschriben was: yetz ist schier kein Büch nit/  
 darüber man nit vil vñnd güt vßlegungen  
 habe: an dem ist allein der mangel/ das man  
 nit so yferig lißt wie man aber anfangs ge-  
 thon hat. Vnlang nach dem vnd Zwinglin  
 vmbkommen / hat Joannes Faber Bischoff  
 zü Wien/ein Büch lassen vßgon/ in welchem  
 er vnderstadt zü Bewyssen/ daß die Zürcher

## Vom läben vnd tod

von irer falschē leer wägen/verachtung des  
H. Sacraments/ vñ der heiligen Gotts/ü-  
berwundē syend: Dē hat Bullinger offentlich  
durch den truck wider sprachē / vñ mit vilen  
exemplen anzeigt / daß Gott die sinen vmb  
irer sünden willen offit heimsüchē/ vñnd das  
man wed vß gwün noch verlurft / saal nach  
vnfaal schliessen solle/ dz einer in d leer rächt  
oder vnträcht hab. Dann sunst müste die alt  
Christenlich kyrch vnträcht ghalten haben/ es  
müste ouch der Türgg vff den hüttigē tag  
rächt daran syn/ zc. mit fererem inhalt. Die  
wyl ouch etlich dē Zwinglio der sich nit mer  
verantworten kondt/ übelredend vñ im vis  
ler sachen schuld gabend / ye nach dem einen  
sin anfechtung treib/ hielt er darnach ein La-  
tinische red in der versamlüg der Predicans-  
ten/ in welcher er des Zwingli eer vnd nam-  
men wider sine mißgünstigen rettet / vñnd  
anzeigt / was grosser gaaben im Gott ver-  
liben / ouch wie sich an sinē tod niemand er-  
geren solle/ zc. Die selb Predig ließ er her-  
nach vnder dem tittel / Vom Ampt eines  
Propheten/ im truck vßgon. Er hat offte ge-  
sagt/ wie er anfangs von etlichen so die sach  
noch nit verständig/ noch iren günstig was-  
rend/ vil widerstands gehebt / vñnd ouch in  
vilen stucken verklagt sye / welche er redlich  
verantwortet / ouch mit gütē sine mißgün-  
stigen überwunden/ vñnd durch ernstliches  
anruffen

anruffen Gottes hindurch kommen sye.  
 Was sich von der zyt an namhaftigs ver-  
 lossen / vnnnd zum theil als vil als durch sin  
 hand gangen / wirdt kurtz nach ein anderen  
 anzeigt werden. By Zwinglins läben was  
 rend etliche gute ordnungen angefangen/  
 aber noch nit in das werck gebracht: als mit  
 den Synodis / das alle diener der kyrchen  
 vff gwüsse bestimpte zyt zusamen kommen  
 soltend / welches zu erhaltung rechter waar  
 hafter leer / vnd ouch eines fromen erbaren  
 läbens der Predicanten nutzlich vnnnd nodts  
 wendig ist / Da hat er sampt anderen vß Be-  
 felch einer eersamen Oberkeit ein Christen-  
 liche ordnung gestellt vnnnd gesetzt / wie hins  
 für die selben gehalten / vnd alle Kirchendien-  
 ner zweymal im jar soltend zesamen kômen/  
 welche ordnung in offentlichem truck ist vß-  
 gangen vñ bißhâr gehalten worden. Sie wyl  
 ouch an Schulen vil vñ grosses gelegen / hat  
 er nit minder dan vor im Zwinglin / an desse  
 statt er Schülherr ward / By einem eersamen  
 Rath gehalten / daß junge knaben zu der  
 leer angenômen / vñ vß gemeinẽ gûteren der  
 kyrchen erhalten wurdind / vnd die Schulen  
 erwyteret. Anfangs fôndt man nit vil an-  
 nemen / dan man die Chorherrẽ vñ Caplonẽ  
 vß sômlichen gûteren / lut der Reformation  
 muß erhalten / Biß zu end jr wyl. Hernach  
 aber hat man im oberrn vnd vndern Gsiffte



## Vom leben vnd tod

(wie man sy nennet) vil jüingling zur leer erhalten vnd erzogen/ deßglichen auch das gemein allmüßen treffentlich erbesseret/ das welcher die waarheit sagen wil bekennen muß/ das ein eersamer Rath zu Zürich als vil jüinglingen zur leer erhaltet/ item gemeinen Bürgeren frömbden vnnnd heimschen/ vß den kyrchen güteren als grosse hilff thut in jr acht/ als kum ein andere statt. Darumb aber ist Bullinger häßtig darob vnnnd daran gewäsen / daß vil cerlicher jüinglingen zur leer vnd schülen erzogen wurdind / daß mittler zyt kein mangel an gleerten Predicanten/ weder in Statt noch Land wurde. Das man auch anderen in deren vermögen es nit ist yemandts zur leer zu zühen / dester haß möchte behulffen syn : als denen in den gemeinen Vogryen / welche ein Statt Zürich mit anderen orten der Eydgnoschafft verwalter. Dann er besorget allweg wenn man verloffne lüt / die sich jres schwezens tröstende/ für Predicanten vßgebind / oder gleich andere anstalte / die nit wüßtend was liebs vñ leids ein Eydgnoschafft mit ein ander erlittē/ eb sy in dise herrliche fryheit kommen / wurdind sy nit als vil vff rüw vnd einigkeit trachten / als die so in der Eydgnoschafft erbozen vñ erzogen sind. Itē so einer sich nit recht hielte/ vnd das nit thäte das er schuldig/ so dörfte mājm dester haß ynreden:  
Welches

Welches dann zu erhaltung fridens vnd einigkeit gar vil helffen möge: Das daß mancher redlicher Eydgnosß/ der glych vnser religio nit ist/wol ermessen kan. Sonst ist man wider die frömbden nit / dann man in den schülen vnnnd sonst / vil frömbder zu Zürich erzogen vñ angestellt. Siewyl aber der statt vnd landskinder vil sind/ so brucht man die selben für ander vß. Glych in ersten jaren nach dem Bullinger zum fordersten Predicanten yñ Zürich angenommen/ habend etlich ansahen trachten/wie sy zwüschend den kyrchen der Eydgnoschafft vñ andern/ ouch dem S. Luther vnd sinem anhang ein concord i im handel des Herrn nachtmals möchtend vfrichten/darinnen sich sunderlich Bucerus geübt hat/vnnnd an die diener der kyrchen zu Zürich geschriben/ Es beduncke in S. Luther vnd Zwinglin syend nit wyt von einanderen in dem verstand von des Herrn Nachtmal / dann aller span stande meer in Worten dann an der sach selbs/ vermanet sy hienabend / sy wöltind jnen selbs Lutheren nit ynbinden/als ob er von des Herrn nachtmal so grob hieltē wie man meinen möchte/rc. Daruf sy in durch ein widerschrift ermantend / das er in erkantter waarheit bestendig syn wölte / vnnnd nit von jnen teilen. Dañ jm wol zürwüssen wäre/wie er/ Buzer zu Bern in öffentlicher disputation Luthers

## Vom läben vnd tod

meinung mit güten gründen Göttliches  
worts widerfochten/ouch vil anderen dispu-  
tationen/ lectionibus, öffentlichen predigen/  
vnd allerhand geschribten im truck vñ sunst  
vßgangen/welche weder Luther noch ande-  
re hettind mögen widerlegen/ noch in fünff-  
tigem widerlegen würdind / solte deßhalb  
bßendig syn / vñnd Gott truwen/er wurde  
ouch in mitten aller trübsalen die warheit sei-  
nes Göttlichen worts erhaltē. Vß welchem  
schryben Buzer mercken mocht / das er by  
den Zürycheren in argwon komen wäre/als  
ob er sich von erkantter einfalter warheit wöl-  
te lassen abfüren/vñ Luthero anhengig ma-  
chen:kam deßhalb im 1533. selbs gen Zü-  
rych mit Bartholomeo Fontio einem geleer-  
ten Venediger / vñnd entschuldiget sich deß  
argwons halben so man von jm haben möch-  
te:Bat ouch fründtlich das die diener der Eyr-  
chen Zürych sich wider Luthern nienen yn-  
lassen wöltind züschriben: Dann güte hoff-  
nung wäre/der leidig Sacrament span der  
möchte durch fürneme lüt die sich d' sache mit  
ernst annemind/gar vßgehoben werdē. Die  
Zürycher warend siner entschuldigung wol  
zefriden/sagtend aber dz sy die fründtlichkeit/  
von deren er sagte am Luthero nit köndtind  
spüren: dan sin gschriffte an die Franckforter  
nützlich vßgangen/ das widerspil anzeigte.  
Doch wöltind sy das besser hoffen / vñ aber  
By

By erkantter warheit verharren / bis sy eines  
 bessern vß Göttliche wort bericht würdind/  
 wöltind ouch darzwüschend mit Bescheiden  
 heit dierächt leer von des Herrē Nachtmal  
 iren gmeinden fürtragen/ıc. Im nechstuol=  
 genden jar darnach hielt Buzer by den O=  
 berlendischen kyrchen an/ daß sy sich mit Lu  
 thero verglychind/ satzend ein Synodum zü  
 Costantz an/ da vil der dieneren der Schwä  
 bischen stetten züsamen kamend/ sich in diser  
 sach mit einandern fründlich zü vnderreden.  
 Vff disen Synodum würdend ouch Bullin=  
 ger vnd andere diener der kyrchē zü Zürych  
 berufft/ aber sy besüchtend in vß gwüßsen vrs  
 sachen nit / sonder schickend ir Confession  
 vom Nachtmal daselbst hin/ welche den die=  
 neren der kyrchen gmeinlich/ vnd grad Bu=  
 cero selbs wol gefiel. Desselben jars ließ die  
 Statt Basel die Confession ires gloubens  
 ouch vßgon. Danach im 35. jar der mindere  
 zal hat Graaff Görg von Wirtenberg in si=  
 nen Herrschafften zü Kychenwyr vñ Ho=  
 burg zü Reformieren vnderstanden / vnn  
 den Zürych geschriben / das man im Leo=  
 nem ludæ wölte erlauben / die sach in das  
 werck zübringen: Aber vß etlichen vrsachen  
 ward für den selben Erasmus Schmid/  
 ein geleerter mann daselbst hin verord=  
 net / der die Kyrchen in all wyß vnnnd wäg  
 wie die Eydgnössischen gereformiert / vnnnd

## Vom läben vnd tod

ein gute zyt zu Kychenwyr geprediget hatt  
Hernach ist Matthias Erbins ein eerlicher  
geleerter man an sin statt komen/ vñ hat das  
selbs den kirchendienst mit trütwe verfahren/  
diuwyl Graf Gdiz/loblicher gedechnuß ge-  
lebt. Diser Graf hat allwäg die kyrche vñ die  
ner Zurych gnädigliche gliedt/vñ als er im  
Kychskrieg in sinem land nit gute lufft hat/  
sich zu Zurych enthalte/ sich mit Bullingern  
vnd Walthern der leer halb fründlichen er-  
spraachet/vnd in allweg inen gnädigen wil-  
len erzeigt. Nach sinē tödtliche abgang sind  
die kyrchen vff ein andere wyß reformiert  
worden/daruon vil züschriben wäre/1c. Im  
jar darnach / namlich anno 36. ist Erasmus  
von Roterodam der hochgeleert mann/vnd  
ein liecht vnserer zytē/der sich von Fryburg  
widerumb gen Basel gethon hat / vñ disem  
zyt verscheiden. Als Pelican das letst mal zu  
Basel by Erasmo gewesen/hat er dem Bul-  
linger flyssig nachgefraget/vnd gesagt / wie  
er seiner bücheren etliche gesehen/vnd zwysle  
im nit/dann wenn er also für fare / werde er  
mittler zyt ein traffenlicher mann werden.  
Des selben jars habend die stett Bern/Fry-  
burg &c. ein theil des Sauoier lands ynge-  
nommen/ die straassen allenthalben gesübe-  
ret/vnd denen von Genff friden geschaffet.  
Es hat ouch Bucerus mit allē ernst angefan-  
gē in negotio concordig zu handlē / dz er die  
Luter

Lutherischen vnd Zwinglischen im artickel  
 Des Herren nachmals möchte vereinbarē.  
 Von Deswägen sind vil tagleistungen hin  
 vñ wider/sonderlich zü Basel/von den Eyd-  
 gndssischen Euangelischen stetten gehalten/  
 by denen auch vnder andern Bullinger ge-  
 wäsen ist/welchem frid vnd einigkeit der kyr-  
 chen nit minder angelägen was dan Buce-  
 ro/doch wolt er keine zwyselhafftē arden ze-  
 reden annemen oder bruchen / die man her-  
 nach vff ein andere meinung biegen möch-  
 te. Dan er besorget dardurch wurde nit rech-  
 ter fridē gmacht/sonder grössere zwoytracht  
 vnd vneinigkeit angerichtet / vnd vnberich-  
 tet lüt in jren irrthumen gesterckt/ wie dann  
 grad in disem handel der concordi Beschähē  
 ist. Daruon ist zü Heydelberg ein besondere  
 history getruckt wordē. Zü Zürich aber hat  
 Ludwig Lauater die ganze history von dem  
 span im handel von Des Herren nachmal/  
 wie er sich zwüschen Luther vñ Zwinglin/  
 auch jren nachuolgern von einē zum ande-  
 ren erlossen hat/Latinisch vnd Tütsch lassen  
 vßgon / darinnen diß alles kurtz gemeldet  
 wirt. Das hab ich vö Bullinger offrt gehört/  
 in habe nie kein mensch plaget wie Bucer/  
 dan er yemerdar gern gsähen / das er arden  
 zü redē von disem handel gebucht hette/die  
 im aber nit annemlich syn woltend. Es hat  
 auch Bucerus nie g:gen vns den nammen

## Vom läben vnd tod

wöllen habē/als ob er von der leer der Eyd-  
gnössischen kyrchen in des Herren Abendts  
mal sye zum Luther gefallen/wol etlich von  
im ouch in offnen gschriefften sömlichs vßgä-  
ben habend/vñ gesagt er habe sin vorige leer  
widerrüfft. Petrus Martyr hat oft gesagt/  
Bucerus habe vermeint/wen man in disem  
artickele vom Nachtmal wort bruche die man  
vß bed wäg möge verston/so sye der sach ge-  
holffen/habe desßhalb in vnd ander beredt/  
Daß sy söliche arden zü reden gebuht: Her-  
nach aber wie er gesähen/das man sine wort  
vß Luthers verstand gezogen/habe er erger  
nuß züuermyden/angefangen heiter vñ  
flaar sin meinung darthün. Er hat ouch nit  
meer zwyselhaftig reden in disem handel  
wöllen bruchen/wie man weißt vß dem ge-  
spräch in Francrych/2c. Vñ vßgerichter Con-  
cordian/ist lange zyt niemands gewäsen der  
vnserer meinung in gschriefften heiter dar-  
gethon vñ wider Luthern geschriben habe dan  
Bullinger. Hernach hat Gott ouch andere  
erweckt. Ungefär vñ diser zyt sind etlich E-  
dellit vß Engelland gen Zürych kōmen/vñ  
ein güte zyt bym Bullinger züherberg gewä-  
sen/wache der rächte leer flyssig nachgrün-  
det ouch an im vermögē/das er jnen dabei  
men den H. Propheten Isaiam geläsen/vñ  
volgend sine zwey bücher/das ein/Vom an-  
sähe der H. gschriefft/das ander/Vom ampt  
der

Der Bischoffen/König Henrychē in Engel  
 land dediciert oder zū geschriben / der selb-  
 ger zyt das Papistisch noch ab im geschüttlet  
 hat. Darnach im 35. jar hat S. Joachim von  
 Watt Burgermeister zū S. Gallē/vff Bul-  
 lingers Bitt/ein brieß im truck lassen vßgon/  
 Darinnen er von diser frag handler: Ob der  
 lychnam vnsers Herren Jesu Chusti / von  
 der vnzertrennten vereinigung wāgen mit  
 dem Wort/die eigenschafften annemme/die  
 sunst dem lyb zū wider sind: Dann Caspar  
 Schwencckfeld vß der Schlesy ließ etliche ge-  
 schriffte vom lyb Chusti vßgon/ das er nach  
 dem er gen himmel gfaren/vnd sich zur rech-  
 ten Gottes gesetzt hat/dermassen vergottet  
 sye/vnd dem Wort glych worden/das er nit  
 mer ein Creatur sye. Dife sin leer habend vil  
 fürnehmer Edellüten im Schwabenland an-  
 genommen/ dann sy last sich ansehen als ob  
 sy Christo zū eeren diene. So ist Schwencck-  
 feld eines fromen vnsträflichen wandels ge-  
 wāsen/von gutem eerlichem geschlācht/dar-  
 zū fründlich vñ sanfftmütig/der die yenigē  
 so sin meinung nit angnommē/ darumb nit  
 mit schmach vñ schältwortē/wie vil im Bruch  
 habend/überschüttet hat. Vnd möcht einen  
 wunder nemen/wie etliche Luter schē sich so  
 lātz über in stellen ddriffend/diewyl sy nit vil  
 anderst vß lyb Chusti haltēd vñ schrybēd dan  
 er. Es hat ouch mancher d Zwinglij leer ane



## Vom läben vnd tod

genommen / müssen Schwencfeldisch syn/  
damit man in vnder disem schyn desterdaß  
möchte vndertrucken. Obgenanter Doctor  
von Watt ist Bullingers lange zyt guter  
fründ gewesen / habend flyssig zusamen ge-  
schriben von vilen dingē. Bullinger hat offte  
gesagt / Er habe mit flyß sine Brueff By einan-  
deren behalten / dann er habe ein schönen his-  
torischen stylum gehebt / vnd siner zyten ge-  
schichten in selben kurz begriffen. Dann er  
an einem ort gefessen / da er vß allen landen  
vil von sinen guten fründen hat mögē wüß-  
sen. Im 41. jar starb der hoch geleert Simon  
Gryngeus zu Basel / Bullingers guter fründ.  
Vngesährlich vmb dise zyt hat sich etwas vns-  
rüh zu Genff zügetragen. Dann als Guis-  
lielmus Farellus vñ Joannes Calvinus das  
selbst anfangen hattend ein kyrchen pflan-  
zen / habend etlich vfrüig lüt so vil zwegen  
bracht / das sy dise bed vertriben. Hernach  
als die so die fürnembst schuld daran trüß-  
gend / von anderer sachē wägen ire verdiens-  
te straaff empfangen / hat ein burger schaff  
widerumb nach disen dieneren der kyrchen  
gestellt. Da hat sich Bullinger traffenlich  
gearbeitet / vnd verschaffet by sinen Herren  
von Zürich / das sy sich der sach auch ange-  
nommen / einem eersamen Rath zu Straß-  
burg geschriben / da Calvinus ordinarius Leo-  
ctor Theologiæ was / sy fründlich gebätten  
vnd

vnd ermanet/das sy so wol thun/vnd in gen  
 Genff widerumb lieffind zihen / da er vil  
 frucht mit verkündung des Euangelijs auch  
 in Francrych schaffen möchte. Die Herren  
 von Straßburg/die/als die wysen betrach-  
 ten kondtend/ wie taugenlich dise person an  
 disen platz wäre/erlobtend im gen Genff zu  
 ziehen / da er bis an sin end der kyrchen mit  
 reiner leer/ vnd frommem vnsträflichem läben  
 wol ist vorgstandē. Im 42. jar starb Leo Jus-  
 ds Pfarrer zu S. Peter zu Zürich/d Zwin-  
 glios glych anfangs zu Zürich das H. Euan-  
 gelium hat helffen predigen/ vñ hernach ne-  
 bend dem Bullinger auch sin bests gethon.  
 An sin statt ward Rüdolff Walther Zwing-  
 lins Dochterman von der ganzē gemeind zu  
 S. Peter Pfarrer erwellt / den er vorhin in  
 seiner franctheit versehen / vnd deßhalb ye-  
 derman bekant vnd angnem worden was.  
 Leo hat etliche jar gearbeitet in der Latini-  
 schen translation Bibliorum, welche er doch  
 selbs nit gar zum end hatt mögen bringen/  
 sonder Bibliander/Colinus vñnd Walther/  
 habend sy vollendet. Als aber dis werck voll  
 furt vñ getruckt ward/hat der trucker Chris-  
 stoffel Froschouwer ein exemplar D. Luthe-  
 ren zu einer vereerung / für sich selbs gen  
 Wittenberg gesendt/welches er vngern ge-  
 sehen: vñnd ob er glych wol dem trucker da-  
 rumb durch ein Brieff gedanckt/hatt er doch

## Vom läben vnd tod

vnangesehen sin vorig fründtlich anbietern  
im vfrichten der Concordi / die Prediger zü  
Zürich so scharpff angetastet / das man sich  
keines güten meer zü jm versehen kondt /  
darumb Bullinger anhielt / das alle Bücher  
Zwingli so er Tütsch hat lassen vßgon / La-  
tin gemacht vnnnd züsamen getruckt wur-  
dind / damit joch andere Nationen ( die nit  
durch ansechtung verblende wie Luther )  
von dises manns arbeit vnnnd leer vrtheilen  
möchtind. Dife arbeit zü transferieren hat  
Küdolff Walther / wiewol er jung was /  
vnnnd sunst vil zü thünd hatt / willig vff sich  
genommen / vnnnd für diß gantz werck ein  
Apologiam oder schirmred gesetzt / in wel-  
cher er die schmaachē so man vnbillicher wyß  
dem Zwinglin vßgetrochen / abgeleinet. Di-  
se Apologia ist ouch besunders im truck vß-  
gangen. Wie nutzlich aber sin arbeit gewes-  
sen ligt am tag / dann in allen landen vil vß  
Zwingli Bücheren den glouben gelernet  
habend. Darnach hat Luther erst sin letzte  
bekanntnuß von des Herren Abendmal  
an das liecht gäben / vnnnd in der selben den  
sack ( wie man spricht ) wider die Zwingli-  
schen gar vßgeschütt / vnnnd so vnbeschei-  
denlich sich erzeigt / das die Predicanten  
von Zürich eeren halben nit fürkommen  
können ( wiewol sy gern mit menglichem  
gü friden gewesen werind )  
sunder jm nach  
noce

notdurfft habend antworten müssen / vnnnd  
 sine schmachwort dapfferlich vnnnd mit der  
 warheit verantworten : Welches Bullin-  
 ger in aller namen gethon. Er hat ouch (so  
 übel hat er Lütthers schryben gefürcht) Lu-  
 thers Bekenntnuß zü seiner Antwort lassen  
 trucken / daß der läser Luthers wort / vnnnd  
 die antwort daruff gegen einanderē halten/  
 vnnnd dester baß daruon urtheilen möchte.  
 Dise redliche habend vnserer widersächer nie  
 gebrecht / sonder angehalten by Fürsten  
 vnnnd Herren / daß man by grosser straff  
 vnserer bücher von diesem zwoypalt vßgan-  
 gen weder feil haben noch läsen solle. Da-  
 rumb sy Bullinger in einem seiner büchlinen  
 dem maaler verglychet / der hünere gemalet  
 hat vff ein tafell vnnnd sy öffentlich fürgestel-  
 let. Wo aber rächte hünere herzü gon wol-  
 tend / so schlug er vnnnd warff gegen inen/  
 Besorgende wenn man sy gegen sinem gemäl  
 hielt / so wurde man dester baß sehen wie er  
 gesudlet vnnnd nichts rechts gemalet hette.  
 Sy saged noch weñ man sy an ein ort trÿbt/  
 Urtheile der Christenlich läser : Wöllend as-  
 ber (glych wie die Papisten) den selben vn-  
 sere bücher nit lassen zukommen : Böggend  
 sich vor dem gemeinen mann / als ob man sie  
 disputieren vnd schryben übel ensitze. Sa-  
 gend von vns / das vns in vnserer sinn vnnnd

## Vom läben vnd tod

gedancken nie kömen ist. Dann sy wol wissend das dem gmeinen mann vnserere antworten nit bald fürkommend. Im 46. jar vnlang nach Luthers tod / ist d Rychskrieg yngefallen / in welchem nach langem sich die Rychsstett ergeben habend / an Keyserliche Mayestat / vnd die Fürsten gefangen worden sind. Nach langem als das INTBARKIM vffgericht ward / vnnnd ouch Costantz von Hispanieren überfallen / wurdend allenthalben vil Prediger vertriben / die das INTBRIM nit woltend annemmen: deren etlich sind gen Zürich kommen / welche Bullinger vnnnd andere fründlich empfangen / vnnnd gehalten habend: vnangesehen das iren etlich vorhin vnfründlich sich gegen den vnseren erzeigt / vnd sy übel an den Cantzen gescholten: wie dann vil der jüngeren Lutheri noch im Bruch habend / daß sy an den Cantzen das arm volck nit leerend / tröstend / straaßend wie sy soltend / sonder wider die Zwinglischen vnnnd Caluinischen Donnerend / vnnnd von vilen sachen sagend daruon sy nichts wüßend / vnnnd ye vnge-schickter sy sind / ye gröber sy sich lassend mercken. Bullinger hat die ganze 3yr seines dienstes / Luthers mit nammen an der Cantzel / nie dann zu eeren gedacht / wie im dann menglich zu Zürich desse wirt müssen kundtschafft geben. Im 49. jar ist das  
Cona

Concilium zu Trient widerumb zu vollstrecken vom Papst angesehen: vnnnd als man vil daruon geredt/vnnnd auch die Eydgnossen vom Papst daruf berufft wurdind / hat ein eersamer Rath zu Zürych / Bullingers vnnnd anderer dieneren der kyrchen iudicium oder gürbeduncken was zethün / ob man das Concilium besüchen solle oder nit / darüber begärt / diewyl diß ein handel sye / der die kyrchen vnd der selben diener insonders anerkaffe. Daruf Bullinger yetz vnnnd hernach disen Bericht gäben: Das man sich zu den Papistischen Concilijs nichts güttes habe züuersähen: Dann der Papst vnnnd sin anhang syend ein parth / die werdind von den Euangelischen irer gegenparth angeklagt / daß jr leer Götlichem wort nit gemäß sye/te. Da werdind im Concilio die spännigen artickele nit allein vß Götlichem wort erörteret werden. Ja wie man vß dem vßschryben verston könne / so sollind die Euangelischen als die vorverdampften von jnen/weder stim noch bysitz im Concilio haben/sonder der Papst vnnnd die sinen / wörlind kläger vnnnd richter mit einanderen syn / werdind desßhalb jnen selbs nit vnrächt / vnd irer widerpart rächt gäben. Zeigt darby an / was zu einem rächten Christlichen Concilio gehdre. Daruon er zu anderen 370

## Vom läben vnd tod

zen als widerumb vom Concilio gehandelt  
ward / sein büch hat Tütsch vnd Latin las-  
sen vßgon. Desß vAgenden jars / habend die  
diener der kyrchen Zürich / sich mit Caluino  
vñ Sarello früntlich vnderredt desß Herren  
Nachtmals halben. Dann es gieng ein red  
vß sy wärind der sachen im handel desß Her-  
ren Nachtmals nit eins / welches den lauff  
desß heiligen Euangeliums nit wenig het-  
te mögen vfhaltten vnd verhindernen. Dar-  
umb wurdend sy rätig ire meinug in eilich  
artickelel zü verassen vnd im truck lassen  
vßzegon. Doch hat Bullinger vorhin die-  
se artickelel anderen Eydgnössischen kyrchen  
ouch mitgetheilt / deglychen den kyrchen  
in Dryen Pündten / dann er nit wolt daß on  
ir vorwüssen etwas von disem handel im  
truck vßgieng. Glychs hat er zü anderen zyt-  
ten ouch gerhon / sonderlich wenn etwas im  
namen der Eydgnössischen kyrche öffentlich  
im truck hat sollen vßgon. Dife Consension  
oder verglychung aber gfiel jnen allen wol.  
Es wurdend ouch an der frömbde vil herr-  
licher geleerter lüten erföruwt / vñ dardurch  
im gloubē nit wenig gesterckt. Ich hab von  
einem Fürnemmen eerlichen mann gehört /  
der vil vmb Philippum Melancthonem ge-  
wäsen / daß er erst vß diser Consension den  
handel vom Nachtmal / eintweder recht vnd  
grundt

grundtlich verstanden / oder joch von der  
 zyt an sich zu den Zwinglischen recht habe  
 anhaben neigen / Dann er nie meer wollen  
 wider sy schryben oder reden / wie hafftig im  
 etlich vnruwig lüt angehalten habend. Dar  
 gegen warend vil die ein groß mißfallen da  
 rab trügend / vnnnd da sy bißbar vff Caluino  
 vil gehedt / sine Bücher geläsen / habend sy  
 in fürhin als Zwinglisch verachtet vnd ver  
 worffen / vnd sine Bücher nun nit meer wöl  
 len sehen. Es hat ouch Philippo By etlichen  
 vil vnwillens gebracht / das er sich wider die  
 Caluinischen oder Zwinglischē ( wie sy vns  
 nennend ) nit hat wollen lassen verhezen /  
 habend in anlagt er sye Zwinglisch wordē /  
 da sy söltend gedacht haben das er ye lenger  
 ye meer gesehē das Zwinglin recht gehedt /  
 vñ Luther vnrecht. In andern dingen fras  
 gend sy nichts darnach was Luther od Phis  
 lippus gehalten. Darnach hüb sich auch vom  
 artickel der Ewigen waal Gottes vnd seiner  
 Fürsichtigkeit etwas spans zu Genff. Dan  
 einer Hieronymus genannt / referiert sich  
 vff Bullingern / vnd die diener der kyrchen  
 zu Zürich die anderist von disem artickel  
 hieltind dann Caluinus. Daruf sy Bul  
 linger fründtlichen zu einigkeit vermanet /  
 ouch anzeigen / das die Predicanten zu Zü  
 rych Gottes Ewige waal keins wegs loug  
 netend / aber darby lartind / das man von



## Vom läben vnd tod

Difem artickel behütſam reden/vnd Gott vnſer ſünden vnd übertrettung nit ſölre zülesgen/als ob er vns zü ſünden zwinget/mit ſererem inhalt. Was aber Bullingers meining von difem vnnnd anderen doran hangenden articklen gweſen ſye/hat er ſich von derſelben zyt an in vilen ſinen Bücheren/ſunderlich in denen die er wider die widertruffen geſchriben gnügsam erlützet vñ erklärt. Im 53. jar ward Seruerus/ v große Gottesleſterung wider die H. Dryfaltigkeit hat vßgoffen in offnem truck / vnd vil lären verfürret/zü Genff gſenglich angenommen. Die Herren von Genff frägtend die Euangelischen ſtett in der Eydgnoschafft raths / was ſy mit jm fürnehmen/vnnnd wie ſy gegen jm handeln ſoltend. Also ward einhelliglich geantwortet ein ſdmlicher ſchädlicher man wære weger tod dann läbendig. Dann ſy ſine irrigen vnd Gottleſteriſchen artickel mitzhin den oberkeiten überſchickt hattend. Diß vtheil ließ jm hernach Philippus Melancthon wolgefallen/ dann er Bullingern etliche Propositiones von Wittenberg zügſchickt/ von denen man vff der hohen ſchül diſputiert hat/diſe ſach anträffend. Es gefiel auch vilen anderen fürnehmen lüten. Dargegen warend etlich übel mit der ſtatt Genff zefriden/vnd ſonderlich die/ denē man wider die Zwingliſchen vnnnd Caluiniſchen nit genüg ſcharpff

Scharpff handlen kan. In disem jar ist vff  
 des Königs Eduardi tod in Engelland ein  
 grosse traffenliche enderung der Religion  
 gefolget. Dann die Königin Maria/ hoch-  
 gemelts Königs schwöster trat in die regies-  
 rung. Dife veruolget vnd vertreib alle die  
 so vnder dem König das H. Euangelium  
 hattend angenommen. Vil fürnemmer eer-  
 licher lüten vom Adel vnnnd andere/ kamend  
 in Tütschland / in die Lydgnoschafft vnnnd  
 andere ort / do sy vermeintend lybs vnnnd lä-  
 bens sicher züsyn. Zü Zürych warend iren  
 vil / die zü Bullinger vil liebe vnnnd fründt-  
 schafft süchtend. Hernach nach diser Köni-  
 gin tod/ kamend sy widerumb in Engelland/  
 vnnnd allein vß denen sy zü Zürych gewesen/  
 wurdend fünff zü Bischoffen gwellt. Die  
 Bischoff aber in Engelland habend kein  
 weltliche regierung/ sonder beladend sich als  
 lein der geistlichen sachen. So aber dise wis-  
 derumb in Engelland zugend / kamend die  
 Luggarner / denen in irem Vatterland nit  
 gestattet ward das Euangelium zühören/  
 gen Zürych vnnnd andere ort wohin sy mocht-  
 tend. Im 65. jar starb Conrad Pellican/  
 an welchisse statt ward Petrus Martyr von  
 Straßburg berufft. Welches er darumb  
 bester lieber hat angenommen / das er den  
 rächten grund von des Herren Nachtmal  
 vnuerhindert vff der Schül läsen/ vnd dar-

## Vom läben vnd tod

von schryben möchte / welliches er ouch mit  
trüwen gethon / vnd so ein reine leer gfürt/  
das Bullinger offtz gesagt. Es sye sich höch-  
lich züerwunderen / diewyl doch die Fra-  
ntzöser (sonderlich wenn sy gleert) meerteils  
ire Besondere meinungen habind / diser aber  
so reiner leer vñ richtigs dings sye. Vmb die-  
se zyt hat Bullinger sin vßlegung über die  
Offenbarung Joannis / die er vorhin of-  
fentlich zü Zürich vff viler gürherziger  
lüten Bitt geprediget hat / in Latin lassen vß-  
gon / welche Ludwig Lavater dem gemei-  
nen mann zur leer vnd zum trost volgendts  
vertütschet hat. Im 57. jar ist ein Gspräch zü  
Worms zwüschen den Ewangelischen vnd  
Papisten angesehen / ob man sich in spänni-  
gen articlen der Religion mit einanderen  
möchte verglychen. Sabin sind die fürnem-  
sten Theologi vß Tütschem land kommen:  
vnder anderē ouch Philippus Melancton.  
Da ist etliche Lutherischen so gaach über die  
Zwinglischen gewesen / das vor vnd ehe sy  
etwas habend mit den Papisten wöllen hand-  
len / darumb diß gespräch angesehen was/  
woltend sy die Zwinglischen verdammnen:  
welchen sich Philippus als ein Bescheidner  
wyser mann / der wol verston kondt / wohin  
dise fräffen handlung reichē möchte / wider-  
setzt vnd anzeigt / wie sy nit von deswägen  
dahin bescheiden wärind. Noch so sind etlich  
so vns

so ungestüm vnd grimmig gewäsen / daß sy  
 von iren Brüdern mit grossem vnwillen ges-  
 scheiden sind / vñ nichts wyters habend wöls-  
 len handeln: Des sich Philippus in einem  
 schryben an Bullinger erklagt. So hat ouch  
 Julius Pflüg der Prieside nt dieses gsp:echs/  
 ein Papist / aber sonst ein wyser / gleerter/  
 wolerfarnner vnnd verstendiger mann / sich  
 selbs traffenlich ab denen schelligen köpfen  
 verwunderet / vnnd weder rath noch that  
 darzu gäben / daß die so nit zügägen / vnnd  
 die man noch nit verhört / söltind verdampft  
 werden. Vnd ist also diß gesp:ech on sonde-  
 re frucht zergangen. Im acht vnd fünffzi-  
 gsten jar ließ der Hertzog zu Wirttemberg  
 in allem sinem Hertzogthum ein Edict vß-  
 gon / in welchem vnder anderem stünd / daß  
 die Zwinglischen im Hertzogthumb keinen  
 platz haben / sonder desselben wo sy vff ir  
 meinung beharren wölrind / söltind verwi-  
 sen werden: Darab sich Bullinger vnnd vil  
 andere traffenlich verwundertend / als die  
 da wußtend / daß der Hertzog ein fründtli-  
 cher gnädiger Herr was / müste deshalben  
 böß vßwyser haben. Dann sin Herr Vatter  
 Hertzog Ulrich als er vertribē was / frünt-  
 lich dem Zwinglio züggeschuben / zu Basel  
 da er sich ein zyt enthielt / Decolampadij p:es-  
 dig flyssig ghört / vnnd in von siner gleerte/  
 fromkeit vñ flysses wägē traffenlich glibet.

## Vom läben vnd tod

So hat Zwinglin der an dem Künig von  
Franchrych etwas vermocht/träffenlich ans  
gehalten/vnd vil gehandelt/damit der Hers  
zog widerumb in sin land möcht yngeferzt  
werden. Es hat ouch Hertzog Vlrych in der  
reformation seines Hertzogthumbs/Ambro  
sium Blaurer von Costantz/vnd andere vns  
fers gloubens angestellt vñ gebucht/denen  
er mit gnaden allzyt ist gneigt gwäsen. Im  
59. jar ist offenbar worden die groß versü  
rung Georgen Davids / der sich aber ans  
derst genennt/vnd ein güte zyt zu Basel ent  
halten hat / daruon die Hochschül daselbst  
ein eigen Büch hat vsigon lassen. Des vol  
genden jars / den 8. tag Jenneris ist in Po  
land Ioannes à Lasco verscheiden / der sich  
vorhin vil jar in Friesland vñnd Engelland  
enthalten / aber als man in Poland anhüb  
der predig des H. Euangeliums losen/vnd  
der warheit des Göttlichen worts platz ge  
ben/ist er in sin Vatterland gezogen / hat zur  
Reformation geholffen/bis in sin end. Wel  
liches er dester saß hat können thun/diewyl  
er von edlem stammen erbozen/vnd träffent  
lich gleert ist gwäsen. Diser bekennet in seiner  
geschribten einer / daß Zwinglius als er Zü  
rych durch greiset / vnd die warheit nach nit  
verstanden / in vermannet habe / das er die  
H. gschribt flyssig läse / dardurch sye er zu er  
kennnuß der Euangelischen leer kommen.  
Hat

Hat auch von der selben zyt an / grosse liebe  
 zu der Statt Zürich / vnnnd sonderlich zum  
 Bullingero gehept / wie das sine offentliche  
 gschufften / vnnnd vilfaltige Brieff an in Bezü-  
 gend. Vnlang darnach / namlich vff den 19.  
 Aprilis ist Philippus Melancton zu Wit-  
 tenberg auch verscheiden / der ein güte zyt /  
 sonderlich aber nach vffgerichter Confession  
 mit Caluino in dem span deß Herrē Nacht-  
 mals / vil liebe vnd fründtschafft zu Bullin-  
 ger gesucht / vnnnd one zwysel sich wyter er-  
 klärt / vnd sich sinen vñ anderer vnsero glous-  
 bens angenomē hette / wo er siner vnd anck-  
 baren jüngerer vffsatz vñ vilfaltige vntrüw  
 nit hette müssen entsitzē. Nach diser erlicher  
 hochgeleerter männeren tod / hat sich vil vn-  
 trüw in den kyrchen in Poland vnd Tütsch-  
 land erhept. Dan in Poland ist etlichen Ita-  
 liäneren so die S. Tryfaltigkeit widerfä-  
 rend lufft worden / vnd habend jr falsche leer  
 vilen yngeschwärt / vnd jnen selbs ein rugo-  
 gen gesucht / vnd ein mächtigen anhang ge-  
 machet / auch mer jres glychen zu jnen gezo-  
 gen. In Tütschen landen habend Illyricus  
 vnd sin vntrüwige rott nit gefyret / sonder vil  
 gschufften lassen vßgon / in welchen sy jrem  
 Leermeister dem fridliebenden Philippo nit  
 schonend / sonder vnder der erden (welches  
 auch byn Heiden abschüchlich gewesen ist)  
 geschmecht vnnnd geschend. Die Schül zu

## Vom läben vnd tod

Zena/ hat an Fürsten vnnnd Herren geworben  
vmb ein Synodum / doch habend sy zu  
de selben die Sacramentierer (da man wol  
weiß welche sy durch dieses wort verstand)  
nit wellen kômen lassen / vnd etliche andere  
die vorhin verdamt syend / sonder allein die/  
so sich zu der Augspurgischen Confession be  
kêntind/ damit das man die spân so sy vnder  
einanderê habind/ hinnâmê/te. Dife gschrifft  
hat ein Fürst des Rychs dem Bullinger zu  
gestellt/ vnd in vermanet/ im sin vrtheil dar  
über anzûzeigê/ dan er als ein rächter Rich  
ter/nit nun einen theil hôren wolt / welches  
an einê Fürsten hêchlich zu loben ist. Daruff  
Bullinger geantwortet / wie vnser Leernie  
ordenlich in einiger vnparthyescher versam  
lung sye verdampft worden. Dan wôlle man  
eins vñ anders anzûhê / so sye es lychelich zu  
verantwortê. Wellend sy dan vff des Rychs  
Abscheiden ligen/so sye doch jr leer ouch mer  
dann einmal im selben verdampft. Nach lan  
gem (wie im Latinischê zu finden) schrybt er  
das sye ein grosser mûrwillen vñ frâsel/ das  
jren wenig vns vndstandind vß zu schliessen  
vß dem Synodo/ vnd der gstat mit der kyr  
chê Christi/ die Christus fry gemacht hat zu  
handlen. Grad als ob sy den gwalt habind/  
das sy Bâpft/ Herren/ Dictatores/ vñ ober  
ste gebieter der kyrchê syend/ vnuerhört jres  
gefallens / einen yden zu verurtheilen oder  
züledigen/

ledigen/ ic. Vñ warlich weñ einer gedenckt/  
 wie sy vorhin von der tyrany vñ dem gwalt  
 des Papsts gredt vnd geschriben/vnd dar  
 gegen wie dise Bachanten sich selbs yetz hal  
 tend gegen eerlichen lüten vnd ganzen kyr  
 chen/ so muß einer gedenckē sy wöltind gern  
 ein nüttes Bapstum vfrichten/darinnen sy  
 die obersten werind. Wir söllend vns ouch  
 nit meer ab den Papistischn Inquisitoribus  
 verwundern/ließe man etliche Lutherischen  
 Superintendentē gwalt (wol man inē nun  
 zemil nachlaßt) so würdēd sy nit vil Bescheid  
 ner handlen dann die andern. Im vßgang  
 diß jars ist der himel stürig erschinē/also dz  
 man von einē Flecken in den andern gloffen  
 vñd menglich vermeint es sye ein grosse  
 Brunst verhandē. Diß gesicht ist zū einer zyt  
 in vilen landen gesehen worden. Darnach ist  
 das Concilium zū Trient widerumb angan  
 gen. Die Türschen Fürsten vnd die Ständ  
 des Rychs/ob sy glych Beschubē vom Bapst  
 habend vff dem Concilio nit wöllen erschy  
 nen. Es ist ouch ein groß Büch vßgangen  
 (yetz oder vorhin) darinnen sy ire güten  
 gründ vnd vsachen anzeigend / worumb sy  
 diß Concilium durch ire gleerten nit wöl  
 lind Besuchen. In diesem Concilio ist erkennt  
 (wie etliche Bischoff so daruff gewesen sich  
 selbs habend im truck mercken lassen) das  
 man alle die/so diesem Concilio nit vnder schry  
 ben wöllind/ vñ sinen beschluß annemen/



## Vom läben vnd tod

mit gewalt darzü sölle wysen. Daruff sind die  
Burgerlichen krieg in Franckrych / die lange  
zyt gewäret / Darnach ouch die krieg in Nie-  
derland angangen / darinnen vil Christenli-  
ches blüts vergossen / vnnnd grosser vnstät-  
cher jamer ist fürgegangen. In Franckrych  
was ein gspäch von gloubens sachen ange-  
sehen / dahin von der Königin selbs vnd den  
Fürsten Petrus Martyr ordenlicher läser  
der H. Geschüfft vff der Schül zu Zürich  
ouch berüfft ward / welcher ouch erscheyn.  
Die Königin thett derglychē / als ob sy gern  
gesehen das ein Reformation angerichtet /  
vnderredt sich fründtlich mit Martyre.  
Das aber iren nit ernst gewesen / hatt her-  
nach die sacht an iren selbs Bezüget. Im 61.  
jar ist Bullinger in ein span Kommen mit Bien-  
tio / der vorhin sich gegen Simlero Bullin-  
gers tochtermann hat mercken lassen / als er  
mit Vergerio zum Hertzogen von Wirten-  
berg zoch / wie er gerh mit Bullingero sich  
fründtlichen wölte erspraachen / ouch selbs  
hernach fründtlich an in schreyb / vnnnd ist diß  
also zügangen. Bullinger prediget dozermal  
am Sonntag das H. Euangelium Joans  
nis : Vnd wie er an die trostlichen wort vn-  
sers Heylands kam / im 14. capit. In mines  
Vatters haß da sind vil wonungen / ic. Do  
ließ er die selb predig trucken / in welcher er  
anzeigt / das die hoffnung vnd das heil der  
glöubis

gläubigen gewüß sye/vnnd daß der himel in  
 welchen Christus vsgesaren/vnd in welchen  
 alle sine vßerwelten vsgenommen werdend/  
 sye ein gewüß ort in der Höhe. Er handelt  
 ouch von der Grächten Gottes/vnd wie der  
 waar lyb Christi nit allenthalben sye. Zur sel  
 den zyt ist Bientzen Büch vsgangen / Von  
 der Persönlichen vereinigung beider Natus  
 ren in Christo / von seiner Himmelfart/vnnd  
 sitzen zü der grächten Gottes. In welchem  
 er vnderstadt zü erhalten/die waar vnd wä  
 senlich gegenwürtigkeit deß lybs Christi in  
 sinem Nachtmal. Dann vmb die persönlich  
 einigkeit habe es die gestalt / das wo die  
 Gottheit ist/daselbst sye ouch sin angenom  
 me menschheit. Vff diß Büch hatt Petrus  
 Martyr/darumb von vilen ernstlich gebäts  
 ten / ein Dialogum oder Gespräch lassen vß  
 gon / gedenckt doch Bientzen mit nammen  
 niemen/dann er nit mit seiner person / sonder  
 mit seiner irrigen leer mit wol zefriden was:  
 Darinnen handelt er von der vereinigung  
 der Göttlichen vnnd menschlichen natur in  
 Christo/in einer vnzertrennten person. Wel  
 che also beschicht / daß die eigenschafften  
 der naturen vfrecht blybend / darumb leert  
 er sye die menschlich natur von der persön  
 lichen vereinigung wägen/nit allenthalben.  
 Er löst ouch deß Bientzen vnnd anderer  
 grund so in disem handel oder artickele anzo

## Vom läben vnd tod

gen werdend all vß. In dem ehe vnnnd diser Dialogus oder diß Gespräch vnd die welt kam/ist ein ander Büchlin vom Brenzen vßgangen/in welchem er sin meinung vnd güte beduncken von Bullingers Büch anzeigt/vñ das wie er für gibt / vß des Fürsten Befelch/ouch von siner gewißne wägen. Dañ er die groß ergernuß so vß Bullingers schryben entstanden / nit habe können hington lassen. Sagt aber in dem Büchlin garnach ebe das/ das er in vorigem getribē hat: Namllich das wo Christus ist nach der Göttlichen natur/ daselbst sye ouch sin menschliche natur/ von wägen der persönlichen vereinigung. Bullinger vñ andere verwundertend sich ab disem schryben / diewyl in niemant mit namen benamset/ vnd vmb so vil anlaß zü disem schryben gäben/vnd er über das / erst den artickel von der Allēthalbigkeit/welchē vil in Sachsen selbs widerfachtend / vnnnd By den alten Väteren nie also gloubt noch geleert wāre/wölte mit gwalt schirmen. So kondt Bullinger nit fürkōmen/ sond zü erhaltung der alten waarhafften leer/vnd zü vndertruckung der nūwen Ubiquitet/gab er sin antwort/vñ zeigt an/das er/Brenz/sin sin leer nit vmbkeert hētte: wār lust hat mag die Antwort selbs läsen. Darnach ließ Brenz ein ander Büch (welches sin dz dritte ist in disem span) vßgon/ mit nammen wider Martyrem vnd Bullinger/

Bullinger/gab im dē rittel/Vō der Maye-  
 stat Christi. Darin er die vnseren anlagt/  
 daß sy die Mayestat eer vñ herrligkeit Chri-  
 sti widerfächrind/Gottes allmächtigkeit ver-  
 löugnind/so doch yederman kund ist/vß jrē  
 gschufften/das jnen gwalt vnd vnträcht von  
 jm beschicht. Siewyl aber Brenz verstünd/  
 daß die nitw leer von der Allenthalbigkeit  
 Christi/by mertheils übel luter/hat er die selb  
 mit einē anderen namen/namlich der Maye-  
 stat Christi zieret:grad als ob Christi Maye-  
 stat vnd herrligkeit darinn stande/das sin  
 menschheit jr eigenschafft fallē lasse/vñ allens  
 thalben sye da die Gottheit ist. Diß büch ist  
 Martyri zū läsen worden/welcher gar übel  
 zūfriden was/dz so ein alter betagter Theo-  
 logus mit solchē vngrüntē dingē erst vñ  
 gieng/nam jm für all sine grund dapffer zū  
 widerfächten/hat ouch am rand seines büchs  
 die fürnemstē punctē schon zeichnet/aber er  
 starb vff den 12. Nouemb. das er jm also nit  
 antwort gab. An disem mañ beschach Bullin-  
 ger vnd der ganzē schül übel/dar er nit nun-  
 glett/sond darzū demütig vñ frid sam was/  
 vñ ab nūwen meinungē ein groß abschühen  
 hat/vñ galt vil by allen recht gleertē. An sin  
 statt ward Josias Simler zū läser gewelt/  
 der in vorhin als er in Franckrych gewāsen/  
 vnd ouch in siner Franckheit verfähen hatt.  
 Vff Franckforter Fastenmaß gab Bullinger

## Vom läben vnd tod

Dem Bientzen vff sin vorußgangē büch von  
Der Mayestat Christi/antwort. Vnd damit  
sich der einfalt Läser/der sich ab solchē schry-  
ben vnd widerschryben der gleerten nit we-  
nig stoßt vñ ergeret/sin büch mit mer frucht  
läsen möchte/ so zeigt er im ersten theil seines  
büchs an/welches die rächt grundtueste sye/  
Daran sich ein yetlicher gläubiger frölich ver-  
lassen möge/ sonderlich zü diser zyt/ da die  
gleerten mit einanderen selbs vneins sind.  
Demnach im anderen teil gibt er Bientzen  
vff sine vermeinte gründ sin gebürliche ant-  
wort. In zwey volgenden jaren im 64. vnd  
65. starb es zü Zürich wie ouch an anderen  
orten an der Pestilentz/ welche den Bullin-  
ger ouch anstieß/ das menglich sich keines  
anderen versach/dañ er daran sterben wur-  
de: aber Gott richtet in widerumb vff/ doch  
stürend im drey siner töchteren vñ sin huß-  
frouw. Es starb ouch D. Cünrat Geßler d  
wytberümpft artzet/welcher grad darvor sin  
Brüterbüch für sich genomen/ vnd die ma-  
teriam hat anfahen zerlegen/ daran er von  
jugent vf/vß vilen bücheren/ ouch täglicher  
erfarnuß gsamlet hat. Als er aber befand  
d3 die zyt seines todts nahet/ übergab er das  
gantz werck D. Caspar Wolffen/ welcher  
samt D. Georg Keller an sin statt zü Läser-  
ren vff der Schül/vnd Stattartzetten ange-  
nommen wurdend. Sin läben vnd tod vnd  
was

was er gearbeitet ist von Simlero Kurtz Beschriben vnd im truck vßgangen. Es sturbend ouch sine vnnnd Bullingers güte fründ beyde Schülmeister / Joannes Fries / vnnnd Sebastian Guldbeck / welche vß irer eigener arbeit erkannt vnnnd wytherümpft sind. So bald in Gott widerumb vfrichtert / volendet er sin vßlegung in Prophetē Daniel / da er in d Vorred seiner Franckheit gedenckt. Er gab ouch Brientzen antwort / welches sin dritte antwort ist / vff sin schrybē das er abermals wider in gethon hatt. Im 66. jar ist von Eydgnössischen Euangelischen stetten ein Confession oder Bekantnuß jres gloubens vßgangen / vß dem anlaß / daß etliche fürgabend / wie sy selbs der sach nit eins mit ein anderen / darzū nit ein grächte leer fürstend. Da hat es ettliche verständige lübt für gut angesehen / das man die leer wie sy bißbär von deß Zwinglins zyten an zū Zürich gefürt / in gschriffte Kurtz verfaßte / vnd öffentlich vßgon ließe / damit man vnseren mißgünstigen das mul verstopffen kändte / die das widerspyl von vns vßgabend. Dife Confession hat man vorhin gen Bern vnnnd Genff geschickt / da ein fürnämē Schül ist / volgendes den Schaffhuseren ouch fürgehalten / denen sy allen wolgefallen. Deßglichen denen von S. Gallen / Biel / Müllhusen / ouch den kyrchen in dryen Pündten / welche

## Vom läben vnd tod

sy gemeinlich approbiert vñ jren vnder schriben. Allein Basel zeigt an/ Wie sy vorhin jr Confession hettind lassen vßgon/ vnd ernüweret / wöltind deßhalben diser nit vnder schryben / doch köntend sy an der Confession nichts schelten. Es ist ouch die Baslerisch Confession der Eydgnössischē nit zewider/ wie Heinrich Ertzberger Pfarrer zü Mühlhusen in einem eignē büchlin klaar bewyßt/ aber nit vil bewysens bedarff/ diewyl offenbar/wenn/wie/worumb/ dise Bekanntnuß beschriben/ vnd mit einer gloß anfangs/ damit sy niemants verkeeren köndt/ist vßgangen. Es habend ouch die gleertē im Rüngt-rych Schotten vnser Confession volgendes approbiert/vnd darumb brieff vnd sigel vßgericht/welche sy Theodoro Bezae zugesant. Es Bezügend ouch die Brüder in Vngeren in der Vorred jrer Confession/ die sy von etlicher vnruwiger lüten wägen vnder jnen/ lassen vßgon/daß sy die Eydgnössisch Confession in allen dingen jnen lassind gefallen. Soligt am tag/ daß die Polnisch/ Französische/ Englisch vnd Niderlendisch Confession mit diser vilgenannten in allwäg stimt. Daß sich einer billich verwunderen muß/ daß etlich on allen grund/ so fräuenlich wider dise wolbegründt leer schryben vnd reden dörfend/aber so feck nit sind/daß sy vnser gschuffren dörfind öffentlichen lassen  
fol

feil haben/vnd die iren/ wie wir vermanen/  
 Daß sy Bed theil flyssig gegen einanderen  
 verhöind/vnd erst dann das vrtheil fellind.  
 Umb dise zyt sind etliche Türtische Fürsten  
 zúsammen kommen/ habend red mit einande-  
 ren gehalten / wie es so güte vnd fruchtbar  
 wäre / daß die Euangelischen nit selbs wi-  
 der einanderen schrybind. Dann von disem  
 Sacrament span genúg geschriben sye. Der  
 durchlüchtig hochgeboren Fürst vnd Herr  
 Landgraff Wilhelm in Hessen schreyb Bul-  
 lingerso dise meinung zú / vnd ermanet in/  
 daß er nit mer darvon schryben/ ouch by an-  
 deren gleerten in der Eydnoschafft/ by de-  
 nen er das ansehen hette/verschaffen wölte/  
 daß sy umb fridens vnd rúwen willen/  
 keine stryrgeschribten meer von disem han-  
 del wellind vßgon lassen / so wölte er vnd  
 andere Fürsten verschaffen/ daß glychs von  
 vnser widerpart ouch beschehe. Bullinger  
 was der sach wol zúfriden / der sonst gern  
 gesehen hette / daß diser stryt Befridet wá-  
 re / aber vnangesehen was die hochgemel-  
 ten Fürsten gemacher / so gieng bald dare-  
 nach ein groß Türtisch büch vß / fürnemlich  
 wider einen geschribē so der Türtischen sprach  
 nit bericht was. Demnach andere giftige  
 scháltbücher meer: vñ ward also der frid vnd  
 anstand abermals von Lutherischen gebro-  
 chen/vnd den vnseren anlaß gáben sich joch



## Vom läben vnd tod

zü entschuldigen / vnd die rächte waarhaffte  
leer wider die vngestümen lüt züschirmen.  
Vber das alles ist im end des 70. jars Bren-  
zen Testament durch S. Wilhelm Bidens  
büch an das licht geben : Darinnen er (so er  
es ächt also gestelt) sin böß gifftrig gmüt wi-  
der die Zwinglischen zü erkennen gebt / jr leer  
die in Gottes wort begründet ist / nit nun  
verwirfft / sonder yedermann wider sy als  
wüßentliche kätzer verberzt. Daruf im her-  
nach Bullinger mit aller bescheidenheit ant-  
wortet / vñ ein kurtze summa der leer wie sy  
in der Eydgnoschafft bißhar den kyrchen  
fürtragē wordē ist / fürstelt. Dife sin gschuffte  
ist hernach von Josia Simler ouch Latin  
vßgangē / das mengtlich sehen möchte was  
doch vnser leer / deren wir vns keins wägs  
beschämend / wäre. In disem 71. jar hatt  
Bullinger By einem eersamen Rath Zürich  
angehalten / das man einen allgemeynen  
Bättag in Statt vnd vff der Landtschafft /  
am Zinstag hielte / von wägen der schwä-  
ren langwürigen thüwie / dardurch vil lüten  
erschöpfft warend / ouch der gfaarlichen  
Friegelduffen / vnd hat ein form des gebärtts  
gestellt / die nachmals ouch verläsen wirdt.  
Im volgendē jar / ist der Amiral in Franck-  
rych / sampt anderen Herren vnd Houpplüs-  
ten / so vff des Königs von Nauerra hohe-  
zyt gen Paryß geladen / wider vßgerichten  
friden

Friden jämmerlich ertödt worden. Welches  
 der König anfangs vff die von Guisen ge-  
 legt/ vñ verheissen hat die thaat züstraffen.  
 Hernach hat er bekennet/das sömlichs vß si-  
 nem Befelch vñ gheiß beschehen / darvon vil  
 gschuffte im truck vßgangen. Vmb dise zyt  
 ist ein nürwer sternen am hummel gestanden:  
 welcher wie es erlich vßgelegt bedütet hat/  
 ob glychwol die fürneimen lüt erschlagē/wer  
 de doch Gott siner Fyrchen nichts desterminder  
 sin sternē lassen glantzē. Andere sagend  
 es sye ein vorbott deß jüngsten tags/ an wel-  
 chem Gott sine gläubigen vß aller veruol-  
 gung vßfüren werde. Es hat ouch Bullin-  
 ger ein büch von der verfolgung/armen vñ  
 der getruckten lüten zum trost geschribē/las-  
 sen vßgö. In disem jar ist der ein thurn am  
 grossen Münster Zürich von der straal zü  
 oberist angezündt / vnd on wyteren schaden  
 abgebrunnen. Im 73. als sich die gläubigen  
 in Francrych vmb mer sicherheit willen gen  
 Roschella gethon / ist es vom König starck  
 belägeret/ aber nit gwunnē/ darvor sind vil  
 so sich vor wider die gläubigen hättend Guss-  
 chen lassen/ellendigklich vmbkommen. Im  
 74. jar ist Chur schädlich verbrunnen vff den  
 23. Höwmonats. Bullinger hat ein büchlin  
 vßgon lassen / in dem er mit aller fründtlig-  
 keit vff 7. Artikelantwortet/ deren vns die  
 Lutherischen anklagend. Diser zyt ist er in

## Vom läben vnd tod

schwere Franckheit gefallen / deren er doch  
vff Gottes schickung widerumb vffkommen.  
Darzwüschend hat Jacob Andries / Schmid  
lin genampt / des Brenzen vnchristenlich  
Testament vnderstanden züwertädigē / ouch  
Besonders wider Bullingers Büchlin von 7.  
Klag articklen geschriben / ein gar vnbeschei  
den Büch / darinnen er der Zürycheren leer  
vnd glouben vnderstadt gar vmb zükeeren.  
Damit vnd aber Bullinger der gar alt vnd  
Buwfellig was verschonet / vnd jm ein arbeit  
abgenomen wurde / so hat es den dieneren  
der kyrchen Zürych gefallen / das sy vff diß  
Büch des Schmidlins wöltind antwortens  
Was aber Bullingers person insonderheit  
anträffe / daruf möchte er jm selbs antwort  
gäben / so es in von nöten syn Bedüchte / wel  
ches denn ouch beschähen ist. Da wir sy der  
har Bericht / das etlich gütberzige lüt / sich an  
Bullingers schryben söllind gestossen habē /  
als der zü vil daran gethon habe / mit schelt  
ten vnnnd verlachen seines widersachers / kein  
maasß noch Bescheidenheit gehalten / wie a  
ber in anderen sinen geschriffren wider sine  
mißgünstigen vßgangen. Da bitten ich me  
niglichen / er wölle der sach Baß nach geden  
cken. Sols Schmidlin vnnnd anderen recht  
syn vnd nachgelassen / wie vnd was sy schry  
bend / vnnnd wider vns lügend vnd mit vn  
warheit für gäbend / vnd so wir jnen nun ein  
wenig

wenig antwortend das die notdurfft erfors-  
 deret/so muß es gar zeuil vnd ergerlich syn.  
 Lieber was hat er von dem Doctor geschriben  
 dem im grund nit also sye? Schmidlin  
 schrybt vns schier in allen bletteren den lū-  
 gen vñ mördergeist zū / nennt vns Arianer  
 vñnd Machometaner / sagt nun was im in  
 das mul kompt/da sagt niemand das er al-  
 le maas vñnd bscheidenheit überträtte/ daß  
 dieses gar zeuil sye. Dann man muß im ge-  
 wuß all sin ding zum besten keeren wie den  
 Bapsten. Wenn aber wir von im die luter  
 wüßentlich warheit schrybend / denn ist das  
 süß im rath. Wir zeigend im in vnser Ant-  
 wort an / das er vnuerschampt yetz sagt ein  
 ding sye/da er vor gsagt es sye nit/vnd er le-  
 ge vns zū/das wir nie weder gleert noch ge-  
 halten habend. Das thünd wir so klaar dar/  
 das er nit ein wort darwider kan sagen/wir  
 setzend sine eignen wort/vnd zeigend an wie  
 sy der leer der alten kyrchen gar zū wider  
 syend/vnd wie ers mit den nūwen Ariane-  
 ren halte. Darumb wenn glych Bullinger  
 vnd die anderen diener der kyrchen / in iren  
 antworten / den Andresen so der offnen vñ  
 waarheit vñnd lügen von vns überwisen  
 wirt / scheltend / vñnd im sinen rechten ver-  
 dienten nammen gäbend / in ein lychtfer-  
 tigen vnuerschampten vñnd vnwarhafften

## Vom läben vnd tod

mann nennend / so sol jnen das niemand ver  
argen. Villicht möchte Bullinger in dem so  
übel gesündigtet haben / das er min Herren  
Doctor einē Wurtzenkrämer oder Zanbrä  
cher verglycht : aber er hat selbs vrsach dar  
zu gäben / mit dē das er sich selbs rümpft vñ  
grosser dingen vñthüt / Hie stadt der mann /  
der den Zwinglischen rächt zur ader lassen  
kan. Darumb wenn glych Bullinger sinen  
lachet / habe man rächt ouch von jm vergüt.  
Dann wie einer in wald schryet / also gibt er  
jm antwort. Wenn man von jm vñgebe / das  
nit wäre (wie Schmidlin thüt) den herrtend  
sich die lüt zūklagen. Yetz kommend wir an  
Bullingers abscheid / vñ disem jamertal. In  
disem ablouffenden 75. jar vñ den 4. tag  
Meyens / ist er in sin vorige franckheit gefal  
len / dann er mit gunst zūmal den am harn  
grosse not gelitten. Ob es excoriatio vesicæ,  
oder ardor vrinæ gewäsen / wie es die artzet  
nennend / oder ob dise vnd andere franckhei  
ten zūsamē geschlagē / mag ich nit wüssen.  
In der größe not hat er allwäg ernstlich ge  
bätet. Ich bin all tag by jm gewäsen / hab ab  
ber nie kein vngedultigs wort vñ jm gehört.  
Hab offgedacht / es stelle in Gott siner gee  
meind zum exempel der gedult für / dz was  
einē yeden für franckheitē oder ander crütz  
vñ lyden Begegne / er dester williger sye. So  
er etwas vnderlybung hat / vñ ein rung für  
über

über was/hat er trostlich geredt/vñ wie vor-  
 hin by gsundem lyb/mancherley erzellt. Dis-  
 ses hat er offft widerholet/Wölle in Gott vñ  
 richren/so wölle er im getn wyter dienen/so  
 er im gnad darzü verlyhe: wölle er in dann  
 von hinnen nemmen / so sye er gar wol mit im  
 zúfriden/vñ wüsse eigentlich das im ein Bes-  
 ser läben werde/vñ er aller angst vñ not ab-  
 köme. Doch wölle er Gott nichts für schrybē  
 sonder alles in sinen gnädigen vnd värtterli-  
 chen willen setzen. Vff den 16. tag Augustmo-  
 nat als er täglich abnam / weder schlaffen/  
 essen noch trincken mocht mit lust/Berüfft er  
 die diener der kyrchen vñ Professores Theo-  
 logia in sin behusung/vñnd macht mit inen  
 den abscheid/Brach sich vñ/sagt sich in einen  
 säffel/vñnd redt folgende meinung mit inen.  
 Erstlich danckt er inen daß sy vff sin Bitt vñ  
 Begären zú im kömen wärind. Demnach zei-  
 get er an/wie er sich befunde / daruñ wölte  
 er diewyl er noch by vernunfft wäre vñd re-  
 den möchte/mit inen reden was im angele-  
 gen. Er versehe sich ouch/wen er glych diß-  
 mals nit von hinnen schiede/sonder in Gott  
 noch länger zú sinem dienst bruchen wurde/  
 so wurdend sy doch sin vermanung in güte  
 von im verston. Vnder anderem sagt er/wie  
 vñd was er bißhär gleert/ vñd warby er bly-  
 ben wölte. Er erzalt die artickel des Glou-  
 bens / als ein sum der Apostolischen leer.

## Vom läben vnd tod

Demnach Bezüget er / das er by der Lyde  
gnößfischen Bekänntnuß vnd Confession mit  
Gottes hilff blyben vnd verharren wölte:  
Dann er sy für waarhafft vnd wol gründet  
hielte / er wölte ouch nit das ein einig wort  
daran geenderet wäre: Er gedacht ouch deß  
Brenzen vñ Schmidlins mit namēn / sagt /  
er trüge kein nyd noch hassz zū inen / hette  
inen von grund seines hertzens verzigē vñ  
vergäbē alles das sy wider in gethon: Aber  
jr leer von der Ubiquitet sye vnrächt / vñ der  
H. geschufft vnd Väteren leer nit gemäß.  
Vnnd diewyl sy in für Christi richterstül las  
dind / sye er wol zūfride / wölle mit fröuden  
darvor erschynen / dann er sye gewuß das er  
rächt vnd sy vnrächt habind. Er vermanet  
ouch all daß sy by der einfalten waaren leer  
blyben / die er vnd sy bißhär vß Göttlichem  
wort geleert hertind: daß sy ouch Gott in ale  
lem irem anligē ernstlich anruffen wöltind.  
Dann er oft erfahren / wie das jm das glöus  
big gebätt in grossen gfaaren wolerhoffen  
habe. Er vermanet sy ouch / daß sy sich vor  
frässen vnd sussen wöltind hüten / welche las  
ter yederman / aber insonderheit den diene  
ren der Kirchen übel anstandind: Des glyche  
ouch vor nyd / hassz / angefochtne / vnd ande  
ren lasteren sich wöltind bewaren / daß sy  
ein anderen wöltind lieb haben / fründtlich  
mit einanderen / vnnd ein anderen beholffen  
syn.

syn. Syend Prediger vnder jnen die die laster mit ernst straffind / so sollind die anderen sy nit lassen vfgon / jnen selbs ein willen vnnnd den anderen ein vnwillenzumachen. Er vermanet sy ouch / daß sy ein Tersame oberkeit lieb haben / vnd sich von den sachen der kyrchen / ouch besunders so es die notturfft erhduscht vnderreden / vnd sy berichten woltrind / vnd allweg sehen das sy ein guten grund der dingen habind / nit vß hordsagen vnd anfechtung reden. Vnnnd welcher an sin statt genommen werde / der solle sich über die anderen nit erheben / vnd sy sollind jm all das best thun / damit man by gesunder reiner leer blyben mdge. Dann syend sy eins / so werde jnen die leer / die warhafft vnd Götlich sye / niemand mdgen nemen / wo nit / so werde nichts guts daruß volgē /c. mit mer worten: Beschloß sin vermanung mit etlichen schönen Hymnis / die er erzalt. Bot vñ gab allen die hand vnd gnadet jnen. Er hat ouch ein Brieff hinder jm gelassen an vnser gnädigen Herrn Rath vnd Burger / darinnen er jne gedancket vmb alles guts: Sy ouch vermant / By der religion vnd guten sungen zu blyben. Er benamsset ouch Waltheren an sin statt zum Pfarrer. Diser Brieff ward vor dē grossen Rath genant die 100. verlesen / hat ouch manchem cerlichen mann die ougen übertribē. Die zyt die er darnach



## Vom läben vñ tod H. Bulling.

gelebt/hat er gar gute vernunft vnd sin gedächtnuß behalten /ouch geredt mit mengem Elichem biß an den letzten tag den 17. Septembriß; da hat er etliche Psalmen mit jm selbs gesprochen (wie er vorhin allweg im Bruch gehebt) dann man etliche wort verstand. Zu leest verschied er in by syn der sinnen. Als er verscheiden/was er gar nit schützlich wie sunst die todte gemeinlich sind: Dan wie er vor gewesen/also was er noch/das einner hette vermeinen mögē er wäre in einem sanfften schlaaff. Des folgenden tags was Sonntag / hatt in ein ganze Burgerschaft Zürich mit grossen klagen vnd leid zur Begrebnuß tragen / vñ ward er zuechst by Petro Martyre (den er seer geliebet) im Crützgang zum grossen Münster vergraben. Gott verlych vns  
allen sin gnad/rc.

vff 9.

**Vff D. Jacob Andresen**  
**zügenannt Schmidlins erdichte**  
 schmaachreden / wider die Antwort der die-  
 nern der kyrchen zu Zürich / vnd H. Bullin-  
 gers vßgangen in sinem letzten Büch-  
 lin die Abfertigung genannt/  
 Widerlegung Josie  
 Simlers.



**S** habend mich güt-  
 herren vnd fründ ange-  
 sprochen / das diewyl ich  
 die historische erzellung  
 vom läben vnnnd tod H.  
 Bullingers kurtz begrif-  
 fen hab / so wölle mir  
 auch gebüren / das ich  
 in den Bullinger / der yetz in der ewigē rüw-  
 ist / wider das schmähen vnnnd schänden deß  
 Schmidlins / beschirme. Dann ob glich wol  
 sin deß Schmidlins Antwort nützlich vß-  
 gangen / nit nun wider Bullinger / sonder  
 auch wider alle diener vnser kyrchen beschri-  
 ben / so sye doch nit von nören / das die selben  
 gemeinlich im antwort gäbind. Dann er ha-  
 be die argumenta vnnnd gegenwürff / vnser  
 vorußgangnen Antwort / kum an einē oder  
 zweyen orten joch nun ein wenig angerürt.

## Antwort vff S.

So könne man sinenthalb kein hoffnung haben / Das wenn man sich gleich lang mit ihm ynließ zü disputieren / Das grosse frucht daruß wurde volgen. Dann man vß sinen geschribten wol abnehmen möge / Das er allein damit vmbgange / dz er disen span von Des Herren Nachmal mit seiner sophistry vertünckle vnd verwirre / vnd nit das er der warheit wychen wölle. Demnach so zühe er wenig gründ in diesem sinem büch an / vnd die er gleich anzühe / syend so schwach vñ yeel / Das ich nit grosse arbeit müsse anlegen / die selben abzuleinē. Deshalben könne mir das niemand für ein hoffart vßlegen / das ich allein für and all antwort gib. Es werde auch der läser / so d warheit begirig ist / einer kurzen klaren widerlegung vff Andiesen schreiben wol zü friden syn. Dese vrsachen habend mich genügsam syn bedücht / Bin deshalben gütten fründen gern zü willen worden (dann ich on das inen zü dienen geneigt bin) vñ hab dise kurze antwort gestellt Des Andiesen erdichte schmahen zü widerlegen. Ob ich aber das selb recht vßgericht / oder nit / wil ich dem vtheil Des frommen vnangesochten läser heimstellē / der mines gegenteils geschribt / Des gleichen der dienern vnser kyrche Antwort vorhin fleßig geläsen hat. Dañ ich die läser vff vnser vorkangne Antwort wysen / damit ich ein ding nit yemerdar widerholen müsse.

Ersilich

## Schmidlins Abfertigung. 34

Erstlich klagt er sich/es sye nie kein hefti-  
 ger giffziger vñ bitterer schryben von Zwin-  
 glischen vßgangen/dann yetz wider in. Dañ  
 wir syend über in zornig/das er vnseren irro-  
 thumb dermassen entdeckt habe/das yeder-  
 man sehen möge/das wir vom lugengeist  
 getriben werdind. Zwar so nimpt es mich  
 nit wunder das er sich klagt/man habe in zü-  
 ruck vnd scharpff empfangen: Dann er hat  
 gar zarte oren/welliche rechte warnung/vñ  
 billiche beschältung nit mögend lyden. Das  
 aber der Chrustenlich läser nit gloube/das  
 wir in geschmächt/geschendt vnd zuvil dar-  
 an gethon habind/so gwäre er vor allen vns-  
 gen desse/das vnser vorige Antwort zwen-  
 teil hat. Einer ist im nammen aller dienes-  
 ren der kyrchen beschübē/in welche Schmid-  
 lins Sophistry/oder geschwinde erdichte  
 sünd widerfochten werdend. Dises ersten  
 teils kan er sich mit keinen sügen klagen/dañ  
 er wirdt darinn nit geschmächt. Es wer-  
 dend wol sine falschen gründ/schmaabē/vnd  
 lüg gescholten/aber die ort siner geschuffte  
 werdend anzogen/das ein yeder mercken  
 mag wie vnbillich er handelt/er hat ouch yetz  
 nichts darauf geantwortet/vnd sich nit ent-  
 schuldiget. Der ander teil vnser antwort ist  
 von dem eerwirdigen H. Henrych Bullin-  
 ger gestellt/darinnen er sinen eerlichen nam-

Von  
 schmaach  
 vnd schelt-  
 worten.

## Antwort vff S.

men schirmt/ wider die schmaachredē so im  
Schmidlin mit namen vstochen hat. Wen  
nun einen bedunckt er sye zu scharpff/ so hale  
te vorhin Andresen gschrifft dargegē/ so wirt  
man bald sehen welcher sich vnbescheidenli  
cher gehalten/ vnd zeuil an die sach gethon  
habe. Dann D. Andres hat in der rettung  
des Brentzischen testaments/ vnser kyrchen  
mit so vil schandlichen schmaach vnd swele  
worten angetastet / das die so es geläsen be  
zügen müßend/ sy habind nichts bald gläsen  
das so schmächlich sye. Die summ der selben  
schmäch worten hast im 144. vñ 145. Blatt vn  
ser Latinische Antwort. Darum Bullinger  
der sorderst Pfarrer vnser kyrchen vß rechtē  
yfer bewegt/ vermeint hat/ es wāre ein gros  
se notturfft das er disen schmächer ernstliche  
strieffe/ vnd mit sinen farben vßstriche / das  
fröm lüt die ougē vsthatind/ vñ dē Schmid  
lin nach langem lernetind erkennen/ der biß  
har mit seiner glychßnery vil lüten betrogen  
hat. Dañ diuoyl Andres den D. Luther ver  
spricht/ da aber nie niemands grimmigere vñ  
häßtigere bücher hat vßgon lassen ( vßge  
nommen sine jünger die im in dem bösen nach  
uolgend/ so in kurzem vferstandē sind) vnd  
anzeigt wir habind verdient das er vns der  
massen beschulte/ welches doch falsch ist/ so gel  
te hie dise rechnung auch: Dann Bullinger  
hat nichts wider in geschriben das er An  
d:es

## Schmidlins Abfertigung. 35

dies nit mit sinem schmähen vnd scheltē vor  
 hin wol verdient habe. Er nennt in lugens  
 bafft/ein schmäher/ein sophistē:er wirt aber  
 meer dan an zwentzig ortē vnser Antwort/  
 deren stucken mit heiterer zūgnuß überwis  
 sen. Er nennt in ein schwätzer/rümseler/vnd  
 verglycht in einem zanbrächer oder wurzen  
 främer. Das er aber ein solcher mañ sye/er  
 wysend sine gschufften / in denen er vil wort  
 brucht / vnd sich selbs grosser dingē vsthit.  
 Er nennet in ein vilgshafftigen menschen/  
 welchs er Bekantlich ist. Er lachet siner her  
 lichen titlen/vnd die jm späck in die rübē gā  
 bend /Dz aber thüt er nit allein/dan vil froms  
 mer eerlicher lüten lachend desse/das die ye  
 nigen so sich für Euangelisch vstgābend die  
 Papistischē titel bruchend/als da sind/ Apt/  
 Propst vnd derglychen / vnnnd mißfält inen.  
 Darumb sol man dem Bullinger nit verara  
 gen/wenn er vnuerholen wider des herrlich  
 en Doctors pracht vnnnd übermüt / sinen  
 schimpff trybt/vnd sine schmaach vnd schelte  
 wort straaft. Es habe dann die meinung/  
 das andere on nachteil der warheit/wol mo  
 gind ire widersächer widerwysen / vnd inen  
 fürhalten was inen übel anstadt. Aber wenn  
 es die Zwinglischen thünd / dann ist es ein  
 schwäre sünd. Wenn sy vnwirsch sind vn̄ wi  
 der die Sophisten vn̄ tröler/wie sy wol vers  
 dienet/redend oder schrybend / denn habend

## Antwort vff S.

sy den geist Gottes verloren/vnnd werdend  
nit allein von menschlichen ansächtigungen/  
sonder vom bösen geist selbs getrieben.

Andres hat  
vns keins  
jrrthums  
überzüget.

Das sich aber Schmide vßhüt / er habe  
vnser jrrthumb vßgedeckt / vnd vns der lü-  
ge überzüget / das ist sin alte wyß / er rümpf  
sich gern deren dingen daran nichts ist. Vil-  
licht wil er by den sinen das groß lob dar-  
von bringen / das da Luther vnd vil andere  
wider die Zwinglischen geschriben / er der  
erst vnd allein der sye / der den Zwinglischen  
jrrthumb rächte entdeckt / vnd den bären ge-  
stochen habe. Aber von gnaden Gottes / hat  
er vns weder einiches jrrthums / nach der  
vnwarheit überzüget / er würdt es onch nit  
mögen thun / ich geschwygen das er vns zu  
Arianeren werde mögen machen. Aber in  
dem vnnd er ander schiltet / so laßt er herfür  
vnd entdeckt sine schandlichen jrrthumb /  
wie in auch die Theologi zu Heidelberg des-  
ren überzügt / im Appendico jrer Confession  
die sy das vorzig jar habend vßgon lassen / am  
145. blat vnnd in nechstuolgenden. Wir ha-  
bend onch in vnser Antwort sine jrrigē meis-  
nungen vnd lüg entdeckt / vñ wöllend noch  
meer anzeigen / wenn er nun vff ein oder  
zwey ort antwort gibt / vnd zübewysen vn-  
derstadt das er nit gelogen hab. Dann wir  
im vom 123. blat an / Bisß zum end des 12. cap.  
sine lüg fürstellend: vnnd wenn er onch dare-  
uf ante

## Schmidlins Abfertigung. 36

uf antwort gibt das wir am 115. Blat vnnnd den nechsten darnach im fürwerffend / vnd im heiter anzeigend / welche mit den Nestorianeren vnd Samosarenianeren vnder der Decke ligend.

Das er sich aber wyter rümpft siner thaas ten / vnd wie er slyß angewendet das frid in der Kyrechen wurde / das bedarff nit vil widerwysens / dann im end wirdt man sehen wie die sachen standind / vnnnd yetz facht sich schon an die schön Concordia erzeigen / die in kurzem (Bin ich acht recht dran) vns meer Corpora doctrinæ / vnd Examina gebären wirdt / dann vor zyren die Pápstischen schülen Summas vnnnd Commentarios über den Meister von hohen sinnen geschmiedet habend. Aber er hat sich güt deß fridens vñ eingkeit zü rümen / dann wenn etliche wä rind die sinen irrthumben widersprächind / welches die hochgeleerten määner der hohen schül Wittenberg gethon / so müßtend sy als Zwinglische verdampft werden. Es zwyslet mir ouch nit / wenn grad die Theologi so zü Torgen die Zwinglischen leer verdampft habend / vñ an der anderen abgesetzten statt zü Wittenberg kómen sind / wir wól led die Allenthalbigkeit güt heissen / so wirt es in kurzem darzú kómen / das ouch sy werdend heimliche Zwinglianer / vnd Calvinianer syn müssen.



## Antwort vff S.

Das letst desse er sich ab vns klagt ist/das wir vrheber diser Brunst syend / die wir yetz beweined. Aber dise falsch erdichte schmached habend wir genügsam im ersten capitel vnser Antwort ab vns gethö / vñ mit grund der warheit angezeigt welche die Verkömnuß zu Marburg/vñ die Concordi zu Wittenberg vßgericht / gebrochen habind: Welche wider den anstand den die Fürsten selbs gemacht/zum ersten gefräset. Nit wir/sonder Luther/Brenz vnd ire jünger.

Daruf kumpt er grad an die hauptsach selbs/vnd spricht / Man müsse dise sach weñ es lang vmbhin gange zum rechte setzen/damit man disen langwirigen span an ein end kömnen möge. Das ist nun recht/es ist ouch nichts das vns lieber wäre/dann das durch ein billich vnd gerecht vrtheil diser span zerlegt würde. Aber vnser Doctor Andries ist so gerechter dingen / das er will das man ein partygisch gericht besetze / in allein vnd die sinen/ vor dem selbigen gericht verhöre / vnd wil also sacher vñnd sprächer oder richter (wie die Päpst in Concilijs) mit ein anderen syn / vñnd das so vil meer ist / ouch vnser fürspräch. Unseren verantwortung ist thür vnd thor verschlossen. Sy sind ouch nit minder flyssig vnser bücher zu versbieten/dañ grad die Papistischen Inquisitores selbs. Aber doch das wir vns nit klagen mögind/

# Schmidlins Abfertigung. 37

mögend / man wölle vns vnnuerhört verur-  
 teilen / so setzt der güt from̄ Doctor ein sum̄  
 vnser leer / aber mit sölicher trüw / deren wir  
 vns zü vnserem höchstē syend wol mö-  
 gend versehen.

Vor etwas jaren da vnser Doctor zü  
 Mulbrunn von des Herren Nachtmal di-  
 sputieren solt / hat er sich nit zü disputieren  
 wölle ynlassen / man disputiere dan̄ vorhin  
 von dem artickel / Wie der lyb Christi allent-  
 halben gegenwürtig sye / dann die ander  
 frag möge on die nit erörteret werden : yetz  
 aber gedeneckt er desse nit / wie der lyb Christi  
 allenthalben gegenwürtig sye / sonder hand-  
 ler allein vom Nachtmal. Villicht darumb/  
 daß er wol sieht / daß er im anderen artickel  
 nit beston mag / oder denen zü dienst vnd zü  
 gefallen / so die wäsenlich gegenwürtigkeit  
 des fleischs Christi / on die allenthalbigkeit  
 vnderstond zü beschirmē. Da aber d̄ span vn  
 der vns ist / vom verstand der wortē Christi/  
 Das ist min lyb / Das ist min blüt / da gibe er  
 jm selbs vnd den sinen das zü / das sy by den  
 wortten Christi einfaltig blybind vnnnd iren  
 natürlichen einfalten verstand behaltind.  
 Welches sy aber keins wägs rhünd / wie wir  
 oft vñ vil bewisen habend. Der einfalt ver-  
 stand diser wortten ist / daß das brot sye der  
 lyb Christi. Dan die Particula demonstrati-  
 ua HOC, das wörtlin Das / dütet vff das

Worumb  
 er vom  
 Nachtmal  
 handle vñ  
 von d̄ Vbs̄  
 quiete n̄  
 sage.

Span von  
 den wortē  
 des Nache-  
 mals.

Das wört  
 lin Das  
 dütet vff  
 das brot.

## Antwort vff S.

Brot. Dann das Christus gnommen/Brochen/  
 vstreckt hat/das sagt er/sye sin lyb. Panis est  
 subiectū, in hoc enunciato, de quo predicatur  
 quod sit corpus Christi. Vom Brot wirt ge-  
 sagt/es sye der lyb Christi. Dañ das wir von  
 alten Väteren nichts sagind/so Bezüigt das  
 Luther selbs/den unsere widersächer höher  
 haltend dann alle Väter. Lieber Herr Do-  
 ctor gib vns antwort worum du hie anderst  
 den Luther haltist / so du doch für ein schir-  
 mer seiner meinung wilt gehalten werden?  
 Wir sagend das Brot sye vnd werde gnennt  
 der lyb Christi / aber Sacramentlich. Item  
 der waar lyb Christi werde vns gäben vnd  
 mitgetheilt im Heiligen Nachtmal durch  
 Krafft vnd würckung des geists Gottes/vñ  
 werde geistlich von vns genossen/das glou-  
 bend wir/das wir Christo durch vnußsprä-  
 chenliche gemeinschafft zügethon werdind/  
 vnd sein von sinem gebein/vnnd fleisch von  
 sinem fleisch syend / vnd das er vnser haupt  
 sye. Dargegen so verldugnend wir des lybs  
 Christi wäsenliche gegenwirtigkeit vnd zas-  
 menfügung mit dem Brot / vnd sin Consub-  
 stantiation vñ impanation oder ynbrotung/  
 Dadurch beschehe / das wir mit dem mund  
 sampt dem Brot die substantz des lybs Chri-  
 sti empfabind. Aber die gemeinschafft des  
 waaren lybs / die durch den glouben vnd  
 geist beschicht/Bekennend wir heiter.

Jacob

## Schmidlins Abfertigung. 38

Jacob Andries sampt den sinen laugnet/  
 Daß das wörtlin Das / vff das Brot zeige/  
 oder daß diese schlusreden glych vil vermden  
 gind: Dz Brot ist min lyb / vñ Das ist min lyb  
 sond er trifft yemer dar / mit dem Brot / od vn  
 der de Brot / oder im Brot / werde der waar vñ  
 wäsenlich lyb Christi gebē vñ vstheilt / vom  
 Diener der kyrchen / vñnd werde nit allein  
 durch den glouben geistlich / sonder mit dem  
 lyblichen mund empfangen. Das aber ver  
 mögend die Wort Christi nit / sy erdenckend  
 diese vßlegung vß jnen selbs / es ist jren  
 dant. Doch so Bewärend sy jre vßlegung  
 mit schönen glychnussen / Wenn man einem  
 den wyn in der Fanten schenckte / Das gält in  
 einem seckel / den haber im sack / so sage man /  
 Sich ich schenck dir disen wyn / gält / haber /  
 Da aber einer jm die Fanten / den seckel vñnd  
 sack darinnen das ist / darbiere. Dese reden  
 aber ob sy glych klaar vñnd vß gemeinem  
 Buch bekant sind / so sind sy doch nit Pro  
 pria sonder Tropica: Sy aber wellend kein  
 Tropum in den Worten des Herren zulaf  
 sen. Demnach so rympt sich dieses nit mit de  
 geheimnissen der gschrifft. Sy döressend  
 ouch nit bekennen / daß der lyb Christi in  
 das Brot yngeschlossen sye / oder daß sin blut  
 im trinck gschirr dergstalt begriffen werde /  
 wie der wyn in der Fanten.

Unser vñnd  
 der part mel  
 nung.

## Antwort vff S.

Unser wie  
der part  
blöbe nit  
hyn wortē.

Dargegen leerend wir / Das Brot sye der  
lyb Christi/wol nit wäsenlich/ sonder Sacra  
mentlich/diewyl es ein zeichen vnd figur ist  
deß lybs Christi / welcher vns mitgeteilt  
wirt / nit das wir in mit dem mund/ sonder  
geistlich durch den glauben niessind. Dife  
vnser meinung bewärend wir mit vilen  
gründen/ vnd zühend glyche arden zu reden  
vß der H. Schrifft an. Da vnserer widersä  
cher derglychen thünd yemerdar / als ob sy  
es nit hortind. Darzwichend schryend sy/sy  
blybind bym dürren blossen Büchstaben/vnd  
bym rächten verstand der worten Christi.  
Vnnd diewyl sy durch falschen wohn ver  
blendt/nit sähend oder nit sähen vnnd ver  
stan wellend / daß die wort Christi anderst  
lutend dann ire wort/ vnnd daß sy mit iren  
worten nit das vstruckend / das Christus  
mit sinen wortē anzeigt/sonder ein verstand  
der worten Christi bringend / den sy erdicht  
habend/so vermeinend sy/es sye yedermann  
blind vñ toll das mans nit mercke. Vnd hie  
gadt S. Andries flyssig damit vmb / daß er  
vns ein vnwillen mache / als ob wir die lüt  
von der einfaltigkeit der worten Christi ab  
fürind / By deren aber er vnd die sinen feins  
wägs blybend / Betrügend aber hiemit den  
einfalten menschen / als ob sy bym einfalten  
schlechten verstand der worten Christi bly  
bind. Aber wie vß dem Mulbrunnischen  
gespräch

## Schmidlins Abfertigung. 39

gesprech zusehen ist / so wil D. Andries mit  
 styß nit von den Worten des Heeren ob sy  
 Tropisch sygend oder nit / sich zü disputieren  
 ynlassen. Sy gäbend all für / die wort syend  
 heiter vnd klar / sind aber die Tropi oder fi-  
 gürlichen reden nit ouch offr heiter : Vnd sy  
 selb zühend Tropische exempel an / gegē wel-  
 chen sy die wort des Herren haltend : vnnnd  
 da der span ist / welches der recht vnd eigens-  
 lich verstand der wortē Christi sye / ouch wie  
 man die wort vfliegen solle / so Bruchend sy  
 für ein argument die wort selbs. Dañ wenn  
 man sy fragt / Ob wir Christi lyb geistlich  
 essind durch den glouben / oder mit dem lyb-  
 lichen mund / aber vn sichtbarlich / so spräch-  
 chend sy von stundan / Christus habe gesagt /  
 Nimmend vnd essend das ist min lyb / grad  
 als ob die wort zügäbind / das Christi lyb  
 substanzlich oder wäsenlich im Brot sye / vnd  
 mit dem lyblichen mund gecssen werde / mit  
 welchen doch allein gebotten wirdt / daß sy  
 das Brot essind das inen Christus bietende  
 sin lyb nennt. Das aber sy sagend / als ob sy  
 es schon probiert vnd erfochten habind / das  
 Brot sye wäsenlich der lyb Christi / oder der  
 lyb Christi sye wäsenlich im Brot / vnd werde  
 bym Brot oder mit dem Brot / oder vnder dem  
 Brot gegeben / darumb ist der span : da wlt  
 von inen begärend / daß sy dise jr meinung  
 erwan mit einer beyteren kundtschafft der

Unsere wt  
 dersächer  
 petunt pris  
 cipium.

## Antwort vff S.

Geschrifft bewysind / da schryet Schmidlin /  
als ob wir inen groß vnrecht thügind / vnd  
ein vnbillich ding zümütind / so er doch wol  
by im selbs weißt / daß diß ein falsche wyß ist  
zú schliessen ein Petitió Principij / wenn einer  
das darumb die frag ist für ein argument an  
zücht. Wir begärend (wie er selbs bekent)  
von inen / daß sy mit einem heiteren klaaren  
ort der H. Geschrifft bewärind / daß Gott  
welle / daß der lyb Christi vnnerseert der eigenschafften  
des menschlichen lybs / zú einer  
zyt erwan an einem ort vmbschriben sye / vnd  
mithinzú an anderē vilen orten vn sichtbar /  
substanzlich / vnd noch dennoch wäsentlich  
vnd lyblich zügägen sye. Da bringend sy her  
für die wort des Nachtmals / in welche spräch  
hend sy / klaar werde angezeigt / das vns der  
lyb Christi substanzlich oder wäsentlich zú  
essen geben werde / vnd befolhen / das wir in  
mit dem lyblichen mund empfangind. Aber  
das ist offenbar / das vß den Worten des H.  
Nachtmals / diese meinung oder diser vers  
stand / nie mag gfasst werden / sy probierind  
vnd bewärind daß vorhin / daß das Brot der  
wäsentlich lyb Christi sye / od das im Brot der  
lyb Christi wäsentlich gegenwürtig sye. Das  
habend sy nie bewärt / vnd werdends auch  
niemermir mögen bewäre oder bybringen.  
Vnd darumb so zühend sy die wort des  
Nachtmals nit recht für ein grund an / sy  
habind

# Schmidlins Abfertigung. 40

habind dann disen verstand vorhin probiert  
vñ erhalten: so bald sy aber dises thün wer-  
dend/so wirt kein span meer vnder vns syn.

Wir dargegen leerend vñ gloubend / Das  
Christi wort waarhafftig syend / daß dis  
Brot der lyb Christi sye/ nit durch die Trans-  
substantiation (Das ein wäsen in das ander  
verwandlet werde) nach Consubstantiation/  
sonder daruñ / das dis Brot ein Sacrament  
ist des lybs Christi/ ein zeichen/figur / Sym-  
bolum/das vns bedütert vñd versiget den  
lyb Christi/ der waarlich für vns am stämen  
des Crucis gebrochen / das ist/ gecrütziget  
ist / vñ sin Blut das waarlich zü vnserem heil  
vergossen ist / die syend als vil vnser eigen  
worden (wie dann Paulus das Brot die ge-  
meinschaft des lybs Christi nennt) daß sy  
vns waarlichen spysind/ neerind vñd erhal-  
tind / zur hoffnung des ewigen läbens / vil  
fressziger dann der lyb durch Brot vñd wyn  
erhalte wirt. Welches zwar ein vnusßspräch-  
liche geheimnuß ist / welche nit hett klarer  
vñd fressziger mögen vñgerruckt werden/  
dann mit denen worten die Christus ge-  
brucht / Nimmend essend das ist min lyb.  
Es wirdt ouch der waarheit der Worten  
Christi nichts abgebrochen oder genomen/  
weñ wir sy glych nit Substantialiter oder wä-  
senlich verstand / wie die wort / da Christus  
ein Wyrab / wir schoffz genennt werdend:

Die waas  
vñfleung  
der worten  
des Nachts  
mala.



## Antwort vff S.

sy sind warhafft/aber darumb nit substanzlich oder wäsenlich zü verston. Wir werdend ouch im H. Touff mit dem blüt Christi abgewaschen/wenn wir mit wasser abgewaschen werdend / vnnnd ist aber das wasser darumb nit das wäsenlich blüt Christi/oder es wüdt nit wäsenlich darin begriffen. Siewyl ouch Christus mit disen worten ein Sacrament yngesetzt hat / so ist gwüß daß man sy nach der Sacramenten art vnnnd natur vßlegen vnd verston müß. Ein Sacrament aber wie es S. Augustin beschrybt/ist ein sichtbar zeichen eines heiligen dings. Siewyl nun das brot ein Sacrament ist deß lybs deß Herren / der für vns am crüz gebrochen ist / so müß es ein heilig zeichen deß selbē syn. Das nun von dem brot gesagt wirt / sol nach der Sacramenten/das ist/nach der natur vnnnd änliche der zeichen/vßgelegt vñ erklärt werden / welche wie Augustinus an vilen orten anzeigt/also ist / daß die zeichen den namen deren dingen empfehend die sy anbildend oder bezeichnend. Wenn man pündt müssen macht / so ist es der gemein bruch / das man dem zeichen den nammen desse das es anbildet gibt/ vnnnd nennt man die pündtbreiff die pündt. In allen Sacramenten der alten werdend ouch die nammen also gegen einander abgewächßlet / noch so verstadt yederman / daß der nammen deß dings das angebildet

## Schmidlins Abfertigung. 41

angebildet wirt / dem Sacrament Symbo-  
 lic, oder bedürlicher wyß geben wirt / es  
 hat es ouch nie niemands wesenlich vnd  
 substantzlich vßgelegt. Also wirt ouch/das  
 wir die zeichen der alten ston lassind/der S.  
 Touff genennt die abweschung der sünden  
 vnd die geistlich widergeburt. Item es  
 stadt/man lege im Touff Christum an/Item  
 wir sterbind mit im vnd werdind mit im Be-  
 graben. Ober das so macht das wort Gottes  
 namlich die verheissung die darzü kompt  
 das Sacrament/ wie gesagt wirt/das wort  
 kompt zum element / so wirt es ein Sacra-  
 ment. Die verheissung aber beschicht nit  
 von wegen des zeichens/sonder deren die es  
 bruchend. Darumb wenn das Brot der lyb  
 Christi genennt wirt / so wirt dem Brot der  
 lyb Christi nit vereint / sond die verheissung  
 trifft die an die es empfabend / die styff vnd  
 stät gloubend/wenn sy das Brot empfabend/  
 der lyb Christi sye für sy gäben / das sy dar-  
 mit durch den Glouben erhalten werdind.  
 Vñ also spricht Paulus / sye dz Brot das wir  
 brächend/ die gemeinschaft des lybs Christi.  
 Ober das alles/ist das Nachtmal des Her-  
 ren yngesetzt vßzükünden sinen tod vnd vns-  
 ser gemeinschaft mit Christo/das wir in Chri-  
 sto läbind/vnd bein werdind vß sinē geben/  
 vnd fleisch von sinem fleisch. Darzü komend  
 wir aber nit durch dz fleischlich essen onsero

§

## Antwort vff S.

munds/sonder durch den glauben überkom-  
mend wir das läben/das vns in Sacramen-  
ten fürgestellt wirt. Vnd Christus wie geschrie-  
ben stadt/wonet durch den glauben in vns.  
Wenn wir die wort die vor vnd nach gond/  
vñ alle vmbständ flyssig erwägend/welches  
allwäg in vßlegung d. S. Schrift beschē  
sol / so wirt durch dise ding alle/ vnser vßles-  
güg beuestnet/welchs ich alles fallē laß/dier  
wyl es offt von dē vnserē ist erklärt worden.

Es mā die  
wort deß  
Nachts  
mals vßles-  
gen solle.

Das aber vnser wid erpart alle vßlegung  
der worten Christi verwirfft/ vñ lounget dß  
ein Tropus darin sye/ja für gibt/das in keinē  
Sacrament deß Nüwen Testaments ein fig-  
gur sye / vñ wie es Andries neit ein deutley  
das ist/offenlich falsch/ vñ sy stellēd sich selbs  
mit der that lätz. Dañ wie wir gsagt habēd/  
so blybend sy nit einfalt byn worten Christi/  
sonder sy legends vß / vñ kōnnends aber nit  
on ein figur oder Tropum vßlegen. Es sind  
ouch in den worten deß Nachtmals heitere  
Tropi/welches sy selbs/wie syend sy dē Tro-  
pis sind/nit kōnend verlōgnen/als da Pau-  
lus vnd Lucas vom kelch oder trinckgschire  
redend. Wen aber in Sacramentē deß Nü-  
wen Testaments kein figur oder Bedütung  
vnd anbildung ist/s; sind es keine zeichen vñ  
Sacrament/dann die Beschrybung der Sa-  
cramentē dienerē jnen nit/ich geschwyg yetz  
der S. alten Väterrn/die in den worten deß  
Nachts

## Schmidlins Abfertigung. 42

Nachmals einen Tropum erkennend / vnd  
 Bezügend / es syend figurlich arden zereden.  
 Vil zügnussen habend die vnseren / als vß dē  
 Dionysio, Origene, Tertull. Basilio, Chryso-  
 stomo, Augustino vnnnd anderen fürgestellt.

Wie aber die vßlegung vnser widerfächerē  
 sye / ist offte gsagt worden: Sy ist gründet vff  
 den falschen whon / den sy vorhin by jnen ges-  
 fasset habend von der wäsenlichē gegenwir-  
 tigkeit deß lybs Christi. Es sol ouch der D.  
 Andres nit an vns zürnē / das wir von jnen  
 vßgäbend / sy haltind ein tölpische vnnnd Pa-  
 pistische meinung der fleischlichē gegenwir-  
 tigkeit / Dann Luther laßt jm in der größe-  
 ren vñ kleineren Bekäntnuß / die grob oder  
 tölpisch meinung der Papisten gefallen.

Die meinung aber von der wäsenlichen  
 gegenwirtigkeit vnd vereinigung deß lybs  
 Christi mit dem Brot / stryret mit der Beschry-  
 bung / ardt / eigenschafft / änligkeit vnd end d  
 H. Sacramenten / welche vns die H. Ge-  
 schrifft in alle anderē Sacramentē fürstellr.  
 Sy ist ouch zewider der leer vnser Herrn  
 Christi Joan. 6. cap. da von dem waare essen  
 deß fleischs Christi gleert wirt / vñ anzeigt  
 das fleischlich vnd lyblich essen nützt nichts.  
 So wirt von Christo selbs widerfochtē der  
 da heiter sagt / Er wölle nit mer in der wält  
 gegewirtig syn / od die gläubigē werdind in  
 nit mer habē. Weliches allein vom abwäsen

Vnsere vol  
 Spate legt  
 die wort  
 Christliche  
 rächte vß-

## Antwort vff S.

fines lybs muß verstanden werden. Dann  
 wenn der selb auch vn sichtbar gegenwärtig  
 wäre/ wie vnser gegenpart vermeint / was  
 Beddachte es desse das er den Tröster an sin  
 statt inen verheißt züsenden/ so er selbs auch  
 vn sichtbar zugege ist: Dife jr leer numpf hin  
 die warheit der menschlichen natur in Chri  
 sto/ vnnnd gibt jm vor dem lyden ein vnumbr  
 schribnen lyb zü/ ein vn sichtbaren / vnnnd der  
 vnserem in allwäg vnglych sye. Sy feert vñ  
 den artickel des Gloubens von der Vffart  
 Chri sti in die himel. Vnd die ding sind offen  
 bar vß den gschribten vnser wider sacheren/  
 die mit irem disputieren von der Allenthal  
 bigkeit des lybs Christi / die gheimnuß der  
 Menschwerdung / also mit nütwen fragen  
 verwoeren vnnnd vertüncklet habend / daß sy  
 sich selbs nit druß könnend verrichten. Sy  
 machend auch öffentlich vß der Himelfart/  
 ein verschwinden/ ein euanescentiam vnd dis  
 sparicionem. Vnd daß sy erhaltind daß Chri  
 sti lyb wäsenlich im Brot sye / sagend sy er sye  
 nit im himel. Dañ S. Andries ye sagen darff  
 der himel sye noch nit erschaffen. Daruß vñ  
 theile der Chri stenlich Läser / was man von  
 diser Theologia halten solle: welche damit  
 sy kein Tropum in Sacramenten / der aber  
 gemein in der gschribt ist nit zülaffen müsse/  
 die artickel des gloubens Tropice vßgelegt  
 vß der history od geschicht ein figur machet/  
vnd

## Schmidlins Abfertigung. 43

vnd zum theil nit allein den himmel mit der erden/ sond' auch mit der hell vermischet/wie der Brenz in seiner leer vom Allenthalbigen himel thür/zü theil aber hinweg nimpt/wie kurzlich Socros Andres selbs gethan hatt.

Wyrer so habend wir vff das yhenig so Andres vnser meinung vom Sacramentlichen essen züwiderwysen anzücht/vō vnderscheid der Sacramenten des alten vnd neuen pundts oder Testaments/in vnser gemeinē Antwort gnügsam geätwortet am 16 blat/Irem am 133.vnd volgenden. Er widerholet auch die vßlegung d' Worten wäsenlich vnd substanzlich/vñ zeigt an/es werde dar durch allein angezeigt die gegenwirtigkeit des waaren lybs / vnd nit die wyß vnd maß der gegenwirtigkeit. Wen sy aber von der wyß der gegenwirtigkeit nit kempffend/warum verdämend sy vns/ die die gägenwirtigkeit des waaren lybs nit gar vnd ganz verlougend/sond' wir verwerffend die rumlich vñ lyblich wyß der gägenwirtigkeit / welche sy auch verwerffend wie sy fürgebend? Wen sy nit kempffend von der wyß der gegenwirtigkeit / warum zangkend denn sy so beffrig der lyb Christi sye im Brot/ er werde sampt dem selben mit der hand des Dieners überreich/vnnd mit dem mund vnsero lybs empfangen? Aber wie wir in vnser Verantwortung fürgeworffen habend/ so truckend

## Antwort vff S.

sy die wyß vn̄ maß der gägenwirtigkeit vß/  
die doch wie sy sagend vn̄nußsprächlich ist:  
vnd waarlich ist es vn̄nußsprächlich / denn es  
hat kein grund / vnd mag nit beston / dann sy  
gebend ding für die schnürrichtig wider ein  
anderen sind.

Von der  
Allmächtig  
keit.

Der ander grund den vn̄sere widerpart  
brucht / ist härgenomen von der Allmäch-  
tigkeit Gottes / daruf wir in zwen wäg ha-  
bend geantworet. Erstlich die argumenta  
oder gründ / die man vß der Allmächtigkeit  
Gottes härnimpt / die schlüssend nit / es sye  
dañ vorhin das man gewiß sye. Dz Gott ein  
ding wölle. Darum sollind sy vorhin probies-  
ren / Dz diß der will Gottes sye / daß der lyb  
Christi zermal vmbshuben sye / vnd an einem  
ort gegenwirtig / dargegen vn̄umshuben /  
vnd allenthalb gegenwirtig. Demnach has-  
bēd wir hinzu gsetzt / die allmächtigkeit Got-  
tes sye vn̄endlich / doch werdind etliche ding  
darvon vßgenomen / die von deß prästens  
vnd mangels wägen der an inen ist / nit mög-  
gind b̄schähen / vnd blybe nichts bester weni-  
ger die Göttlich Allmächtigkeit vffrächt vn̄  
vnerseert / als / Es ist vn̄müglich daß Gote  
liegen könne. Also werdend alle die ding vß-  
genomen die wid die natur vnd waare sub-  
stantzliche beschrybung eines dings sind / vn̄  
deßhalb richtig wider einanderen. Dann  
wenn Gott sömliche ding thet / so wölte er  
ein

## Schmidlins Abfertigung. 44

ein Ding zermal vñ wölte es nit / welches ein vnstäte anzeigte. Dife leer aber fürend wir nit allein / sonder es ist aller gleerten in der gschrifft endliche meinung. Es ist ouch D. Schmidle nit so toll daß er nit sähe daß dem im grand also sye/sonderlich diewyl eben dz ouch jrer Philosophus / den ich von eerē wägen neñen/der wyrtberümpft Doctor Scheggius haket. Aber Schmidle vnderstadt vns by den einfalten vnberichten lüten verhaßt zü machen/grad als ob wir die Allmächtigkait Gottes verlougründ / oder nit erkennnd daß Christus vnser Heyland allmächtig sye/der die ding thun möge die er wil. Das aber sölte er Bewyssen / daß Gott wölte / daß der lyb Christi allenthalbē gegenwürtig wäre/od daß Christus die wäsenlich allenthalbigkeit seines lybs verheissen hette. Item die reden syend nit richtig wider einanderen/dz der lyb Christi mit sinem wäsen/vnd actu primo an einem einzigen ort sye. Vnd das eben der selb actu primo, vñ mit sinem wäsen nit allein an einem einzigen ort sye / sonder an vilen orten / oder ouch allenthalben. Dann wir disputierend mit im von der wäsenlichen gegenwürtigkeit / vñnd das habend wir im fürgeworffen vñnd vnser grundheiter dargethon in vnser Verantwortung/vñnd angezeigt / das sye ein Blauwer dunst wenn er fürgibt der lyb Christi sye natür



## Antwort vff S.

lich an einē ort/ aber vff die wyß der Maie-  
stat vnd sitzens zur grechen Gottes allent-  
halben. Dann wenn er mit sinem wäßen vnd  
actu primo allenthalbē ist/ so wirt nit ein an-  
dere wyß gsetzt/ sonder ein andere vrsach der  
gegēwirtigkeit. Sagt er dan de actu secūdo,  
so habend wir des selben halben keinē span.

Unser wie  
der sacher  
louner die  
pincipia.

Des halben lounend wir keins wegs die  
Principia/ dz ist/ solch offenbare ding / die by  
allen gläubigen gewuß sind/ vñ daran sy nit  
zwoyflend. Dan vnser Principia sind die Bü-  
cher des Nüwen vñ altē Testaments/ denen  
wir styff gloubend. Vnd legend die gschrifft  
also vß / daß wir ein ort gegen dem anderen  
haltend/ acht habend waruon ghandlet wer-  
de/ item desse das vor vñ nach gade / ouch al-  
ler vmbstenden/ ond daß die vßlegung dem  
glouben änlich vñ gmäß sye. Die articel vn-  
sers Chrißtenlichē Gloubens / denē wir ein-  
faltig gloubend / sind ouch vnser Principia.  
Dieses Principium ist von natur bekant/ es  
kōne nichts zūmal waar vñ falsch syn/ welchs  
vnserhalb styff vñ vnuerrückt blybt. Ir aber  
allein darumb das jr den Papistischen won-  
nō der lyblichē gegenwirtigkeit des fleischs  
Christi im Brot/ hartneckigklich beschirmind/  
zerryssend jr ersilich die Principia der natur/  
vñ wellend mit der Allmächtigkait Gottes  
probierē / daß die ding die richtig wider ein  
anderen sind/ zemal waar syend. Demnach  
rhünd

## Schmidlins Abfertigung. 45

thünd jr der H. Gschrifft/vnd den articlen  
 vnser s waaren gloubens gwalt/jr machend  
 vß der Himmelfart Christi ein euanescenti-  
 am, oder disparitionem, ein verschwindüg.  
 Sann wiewol Andries darfür hat dörffen  
 loughnen/so habend wir jm doch das wider-  
 teil heiter dargethon/vß den gschrifftten des  
 Brienzen/Illyrici vnnnd Andries Müßlins:  
 yetz sind ander ouch/die sich nit schämē diß  
 offentlich mit grossem gschrey zütrybē. Was  
 ist das aber anders dann Martionis heresim,  
 vß der hell widerumb herfür bingen/vnnnd  
 dem Nachomet stägen vnd wägen? Die  
 heiligen Euangelisten beschrybend ordens-  
 lich nach cinanderen/vnser s Herren Christi  
 lyden vnd tod / sin Vstende/sin Himmelfart.  
 Dife nützwachßnē Theologi machend vß  
 der Himmelfart ein verschwindung / vnd be-  
 dunckt sy / es gebüre sich nit der Maiestat  
 Christi das man jm nach dem einfalten ver-  
 stand der gschrifft/ein lybliche bewegung vñ  
 locatio oder stellung zü gäbe. So thüginds  
 grad eins / vnd sagind mit dem Nachomet  
 ouch / Christus habe nit waarlich gelitten/  
 sonder sye verschwunden / vnd Simon Ci-  
 reneus sye für in gecrüziget worden. Dann  
 lieber stryter das lyden vnd der tod nit meer  
 mit der Maiestat Christi / welche sy von der  
 empfangknuß an jm zügäbend / dann sin  
 Vffart gen himmel? Ist es inen nachgelas-

## Antwort vff S.

sen ein artickel deß gloubens vß dem einfaltigen natürlichen verstand in ein Allegorischen verstand zu biegen / vnd glychs in einer klaren historischen erzellung zehünd / mit wascham wöllend sy sich den Türcken widersetzen die glychs in der history oder geschicht / die grad daran hanget vnderstand : Frommen gläubigē thünd doch vmb Gottes willen ir were augen vß / vnd trachtend disen ding eigentlich nach. Dan der vnuerschampt fräfel die artickel deß gloubens zu enderen / wirt nit da blyben ston sunder wirt mit der zyt wyter fürbrächen.

So vil aber die Disputation von deß Herren Nachmal antrifft / so wöllē wir die selbouch gern dem vteil deß Christenlichen läfers heimstellen. Doch so ferr das er nit nun ein teil / sunder bed teil hōre / vnd der waareheit nach gründe / welche Andres meer vnderstadt zu verdüncklen / dann an das licht zu bringen. Ich bitten auch den Christenlichen läser / er wölle sich nit verdriessen lassen / wenn ich abermals statum controuersia, dz daran der haß ligt hie widerholen / waruon man erstlich vnd fürnemlich vtheilen sölle / ehe wir zu beden theilen wyter in disem span fürschrytind / dann Andres thūt hie mit flyß als ob ers nit wüsse.

Der erste  
span.

Die frag wie wir gesagt habend / ist von denen Worten deß Herren / Das ist min lyb.  
Vnder

## Schmidlins Abfertigung: 46

Vnder vns sind wir deßhalbē nit eins/ was  
 das wörtlin Das anzeige. Wir sagend es  
 zeige an oder dūte vff das Brot/ vnd fürend  
 vnser meinung einfaltig vß der ordnung  
 deß texts. Dañ das so der Herr genōmen/  
 gebenedyet/ gebrochen/ vnd den jüngern gā  
 ben hat/ zeigt das wörtlin an. So sind dise  
 schlußredē einer meinung/ Das ist min lyb/  
 vnd das Brot ist min lyb: Wir habend ouch  
 vnser meinung bestätiget mit dem ansehen  
 der heiligen Väter/vñ deß Luthers selbs/  
 vnd den zūgnussen viler gleerten zū vnsern  
 zyten. Wie solt S. Andres zum aller erstē vn  
 ser meinung widersächten/ das aber thūt er  
 nit/ vnd mag ouch nit/ schwygt deßhalbē  
 zū disem span still/ überhupfft in/ vñ nimpt  
 ein verstand der worten Christi an/ als ob er  
 in schon erfochten vnd bybracht habe/ den er  
 erdichtet/ vnd darumb noch yemerdar span  
 ist/ nit allein vnder vns/ sonder vnd den Lu  
 therschen selbs. Dañ etliche wöllend mit Lu  
 thern/ dz Brot werde zeigt durch dz wörtlin  
 Das/ vñ sagend das Brot sye der wäsentlich  
 lyb Christi/ welche meinung vngerympt ist/  
 dañ es wurde volgē / das Brot wäre für vns  
 in den tod gābē/ sy ist ouch vnmöglich/ dann  
 die gschafft wäre wid sich selbs: grad die Pa  
 pisten/ daß sy disen vnkömlichkeitē möchtē  
 entrünnen/ habend die Transsubstantiatiō er  
 dichtet.) Illyricus sagt/ durch das wörtlin  
 Das werde d' lyb selbs angezeigt/ vñ werde eis

## Antwort vff S.

nes dings das vß vilen zusamē gemacht ein  
 teil anzeigt. An einem anderen ort sagt ge-  
 melter Illyricus / es werde weder das Brot  
 noch der lyb Christi angezeigt / sonder die gantz  
 spyß die Brot vñ lyb sye. Jacob Andries sagt /  
 es sye ein art zereden / als wenn ich ein Kan-  
 ten Būng vnd sagen / das ist wyn / vnd wenn  
 man die wiegen mit dem kind Būngt / vnd  
 sagt / das ist das kind. Welche arden zūre-  
 den nit proprie sind / sonder durch ein Sys-  
 nechdochē / oder Metonymiam wirt ein teil  
 für das gantz / oder das darinn ein ding  
 ist / für das so darinnen ist genōmen vnd ver-  
 standē. Siewyl aber D. Schmidlin vßgibt /  
 wie die Luterschen in der sache so wol mit ein-  
 anderen eins syend / so solt er die vnglyche  
 der meinungen vor allen dingen hinnehmen /  
 vnd mit gūten grūnden bewāren / das das  
 die meinung der worten Christi wāre / das  
 der wāsenlich lyb Christi mit dem Brot ver-  
 einbaret / mit dem mund von allen genō-  
 men wurde / die diß Brot essend. Siewyl er  
 aber nit wil von den worten des Herren dis-  
 sputieren / noch die selben vßlegen / wie ist er  
 dan so vnuerschampt / das er für ein grund  
 das darff anzūhen / darumb aber die frag  
 ist / vnd vns falschlich zūlegen / das wir vn-  
 uerschampter vnd vnbillicher wyß im zūmū-  
 tind dz er die wort Christi nit für ein grund  
 ynfüre : Wir gloubend den worten Christi  
styffce

## Schmidlins Abfertigung. 47

stytter weder er/noch die sinē: Wir wöllend  
aber nit das er vnd ander für ein grund yn-  
fürind/in dem verstand den nit die wort ha-  
bend/sonder den sy selbs erdichtet vnd noch  
nie erhalten vnd er wifen habend. Dann das  
(wie wir jnen offt in die nasen gestossen) ist  
Sophisma petitionis principij. Darumb  
müß man vor allen dingen des verstands  
der wortē des Herren eins syn/ehe wir wy-  
ter könnnd fürfaren.

Das ander das er falschlich von vns vß-  
gibt ist/das er vß im selbs sagt/wir verdun-  
gnind die Allmächtigkeit Gottes / oder sa-  
gnind/der sun Gottes sye nit Allmächtig/vñ  
ryssind in hinab von der grächten der Ma-  
yestat. Er schempt sich nit dise lüg öffentlich  
vnd besonder/von vns vßzegäbe. Disß aber  
ist in vnseren Antworten gnügsam wider-  
legt / weñ man sy nun dö:ffre hören vnd lä-  
sen. Vnd warumb hie der span sye hab ich  
daoben anzeigt/ daß der läser mercke waruf  
er sähen solle. Darumb diexyl er Schmidly  
mit erdichten schmaachen vmbgedt/vnd die  
warheit mit flyß zünertuncten vnder stadt/  
so vrtheilind frome lüt/was man von im hal-  
ten solle. Er wirfft vns für den Luther / der  
nach dem er die groß Bekantnuß geschri-  
ben/vnd das Büch / Das dise wort noch vest  
stehnd/ hernach allein die kleiner Confession  
hinzü gehon habe / vnd es darby lassen bly-

## Antwort vff S.

ben. Warumb sagt er aber nit/ daß die vorla-  
gen zwey Bücher dermassen von Zwinglio  
vnd Decolampadio widerlegt sind/ das er  
nichts mehr daruf hat mögen antworten?  
Warum sagt er nit ouch/ dz nach den zweye  
obgemelten Büchern/ in dem Colloquio zu  
Marpurg zwüscher Luthero vnd seiner ge-  
genpart ein friden vsgerichtet sye/ vnd dar-  
nach abermals durch Butzers vnderhand-  
lung ein Concordi/ vñ also hab Luther nach  
langem wider alle verträg vnd abredung di-  
se kürzere Confession oder Bekannnuß las-  
sen vsгон/ mit welcher er by vernünfftigen  
vñ bescheidnē lütē wenig rüms erlangt hat?

Mon der  
locali prae-  
sentia.

Daruf hencft er zum bschluss zwey stuck  
daran/ die er vns fürwirfft. Das erst/ dz wir  
jre wort bößlich dahin bieging/ als ob sy ein  
rumliche gegēwirtigkeit haltind/ so doch die  
wort essentialiter & substantialiter, wäsent-  
lich vñ lyblich / von jnē allein vnser dūrenley  
entgegen gsetzt werdind/ vñ der falsche leer/  
das Christus allein der Gottheit noch zūge-  
gen sye/ der menschliche art nach/ nichts mit  
vns vff erdtrych zū schaffen habe. Wiewol  
aber diß in vnser vorvsgangnē Antwort ge-  
nügssamerklärt ist / wil doch ichs hie ein we-  
nig widerholen. Erslich erkennend wir daß  
sy die rumlich gegēwirtigkeit des lybs lou-  
gnend/ aber mithinzū so bestätigend sy / die  
wäsentlich

## Schmidlins Abfertigung. 48

wäsenlich gegenwärtigkeit des waare lybs.  
Der waar vñnd vmbschriben lyb aber / wie  
lut der Geschrifft / Christus einen hat / ist an  
allen denen orten / da er ist mit sinem wäsen  
rumlich / dan sunst wäre er nit meer ein waa  
rer lyb. Darumb so volget nichts dester we  
niger / das vñ jrer leer / daß sy mit den wort  
ten verneinend. Demnach Bruchend sy arten  
zū reden die man on ein localitatem kum ver  
ston mag / Der lyb Christi sye bym oder mit  
dem Brot an einem ort / er werde dem Brot  
vereinbaret das kein ort vñ wyte zwüschend  
beden / er werde mit der hand des dieners  
überreicht / er werde mit dem mund desse em  
pfangen der das heilig Brot nimpt. Sy ver  
werffend die so da sagend / Der lyb Christi  
syenit mit dem Brot an einem ort gegenwärt  
tig / die ein wyte des orts zwüschend dem zeit  
chen vñ dem das bezeichnet oder angebildet  
wirdt / setzend / vñ mögend vns / die wir die  
rumlich gegenwärtigkeit in Sacramenten  
nit zūlassend / nit lyden. Darumb sollend sy  
es nit übel von vns vñnehmen / wenn wir  
sagend / sy leerind ein solche gegenwärtigkeit  
des lybs Christi / welche ob sy nit allentlich  
Doch etlicher gestalt rumlich ist.

Das er aber sagt / wir haltind Christus  
habe der menschheit nach nichts mit vns  
hie niden vñ erdterich zū schaffen / ist ein er  
dichte schmach vor hin von vns widerlegt:

Das Chris  
tus nichts  
der mēsch  
heit nach  
mit vns ze  
thun hab/  
sagend reis  
nit.



## Antwort vff S.

Welche er doch mit vnsern selbs worten vnder  
 der Stadt zu probieren. Darumb das wir ges-  
 chriben habind/das fleisch Christi nütze vns  
 yetz hieniden vff erdtrich nicht meer / vnn-  
 sye ouch nit mee hie niden. Vñ daruß schlüß-  
 er/wir haltind das fleisch Christi im Nach-  
 mal nütze vns nichts. Wenn in aber nyd vñ  
 hassz nit verblendt hette / so möchte er ring-  
 sehen / das wir von der wäsenlichen oder  
 rumlichen gegenwirtigkeit des fleischs Chri-  
 sti reded. Daselbst wirt dise frag für gestellt/  
 Ob der natürlich lyb warlich gegenwirtig sye  
 in des Herrn Nachmal/ Item Ob das Brot  
 des Herren sin waarer natürlicher lyb selbs  
 sye/wie Lutherus gleert hat: Dargegen zü-  
 hend die vnserē ort der gschufft an/wie Chri-  
 stus abwäsend vnd vß diser wält gescheiden  
 sye/vß disem schlüssend sy das die lyblich ge-  
 genwirtigkeit des lybs Christi vfferden/wir-  
 der die gschufft sye/darumb könnend sy dise  
 gegenwirtigkeit vnnnd ire frucht nit sähen.  
 Dann sin fleisch sye wol vff erden nütz gewä-  
 sen das heil züueruolkönnen / yetz aber sye  
 sinis fleischs gegenwirtigkeit nit meer nütz  
 hieniden/es sye ouch nit meer hieniden/sun-  
 der daoben in himlen/ vnnnd das es daselbst  
 vns vil nütze/wie in dem articel/wie es ein  
 gestalt vmb das Puesterthumb vnnnd ryck  
 Christi habe/gnügsam erkläert sye. By dersel-  
 ben blybend wir nachmals / vnd sagend der  
 lyb

## Schmidlins Abfertigung. 49

lyb Christi sye nit lyblich vnd wäsentlich hieniden vfferden: Wir sagend aber ouch/der sye verflucht der da sage das Christus nach der menschheit nichts mit vns zühün habe. Dann wie wäre Christus vnser mittler/wenn er nichts nach der menschheit mit vns zühün hat? Aber das ist ein anders wenn man sagt / Christus handle mit vns siner menschheit nach/ welches wir nie verlougnets habend/wir habend ouch die würckung der menschheit nit minder klaar dar gethon dan vnserer widersächer / vnnnd ein anders ist es/wenn man sagt / Die menschheit Christi sye mit irer substantz oder wäsen by vns vfferden gegenwürtig.

Der ander gegenwurff ist / Das wir inen mit vnwaarheit zü legind/sy haltind ein Capernaitisch essen des fleischs Christi/vñ das wir allein erkennind die lyblich niessung des Brots vnd wyns / vnd den glauben in Christum. Die waar niessung aber des lybs Christi / die mit dem mund im Sacrament beschicht zü sterckung des glaubens / welche die kyrchen allwäg gehalten hab / verwerffend wir. Daruon wir in vnser Antwort geschriben am 28. Blatt: Daselbst stellend wir nach der meinung Chrysostomi / zweyerley effens des fleischs Christi für/ein fleischlich welches ist das Capernaitisch/vnd ein geistlichs oder mysticam, vnser widersächer wöl

Das essen Christi ist nun zwoysach.

## Antwort vff S.

lend dz fleisch Christi werde mit dem mund  
 geessen. Ein solch essen aber ist nit geistlich/  
 dann es beschicht nit durch den geist/sunder  
 mit dem lyblichen mund / darumb so ist es  
 lyblich/vnd deshalb Capernaitisch. Dañ ob  
 sy glych sagend / sy essind den lyb Christi nit  
 stuckwyß/oder in stuck zerteilt/nichts destet  
 weniger diewyl diß essen mit dem mund bes  
 schicht vñ den zänē/ wie Luther in der gröss  
 seren Bekäntnuß schrybt/so ist es lyblich/nit  
 geistlich/dann der geist ist Christum nit mit  
 dem lyblichen mund. Welches das Sacra  
 mentlich essen sye/habend wir erkläret am 134.  
 blatt vnser Verantwortung / daselbst findt  
 sich was grossen vnderscheids sye zwüscher  
 dem selben/vnd dem fleischlichen allein/oder  
 dem blossen Brot essen/welches sy vns zu gā  
 bend/vnd ouch dem mundlichen vñnd wā  
 senlichen essen / welches sy vns gern vstru  
 cken woltend / wider den einfalten verstand  
 der worten Christi/vñ die gattung aller Sa  
 cramenten/welches sy selbs nützlich erdich  
 tet habend. Schmide vnderstade die lüt mit  
 dem zübetriegen / da er drii ding meldet die  
 ein rechter Christ im bruch des Nachtmals  
 habe. Den Glouben/Brot vnd wyn/vnd den  
 lyb vñnd das blüt Christi. Warumb setzt er  
 aber den Glouben zun teilen des Sacra  
 ments? Sind nit nun zween teil des Sacra  
 ments/ein yrrdischer vnd himmelischer/das  
zeichen

## Schmidlins Abfertigung. 50

zeichen vnd das so bezeichnet wirt: Empfahend wir die selben nit mit zweyen instrumenten / mit den empfindnussen des lybs das zeichen / mit dem geist vñ Glouben das so bezeichnet oder abgebildet wirt: Es wirt ouch rächt g'sagt / in beyd wäg werde der lyb Christi empfangen. Mit dem mund zwaar wirdt er empfangen / aber im Sacrament / nit das wäsen des lybs Christi selbs / sonder desselben Sacrament: geistlich aber wirt er in der waarheit genossen / wie S. Augustin leert. Vnd da die waarheit hie dem Sacrament entgegē g'setzt wirt / wirt die waarheit nit von der wyß des empfehens verstandē / sonder von dē lyb Christi. Dañ die wyß des empfehens wirt vßgetruckt / weñ man sagt er werde geistlich empfangē. Darumb weñ die alten sagend / Der lyb Christi werde im Sacrament od̄ in der gheimnuß geäßen / so redend sy nit von dem wäsentliche essen der substantz des fleischs Christi / welchs mit dē mund beschäbe / aber doch nit fleischlicher yrdischer vñ rumlicher wyß / welchs daruñ ein gheimnuß sye / d̄z die substantz lcb gegēwirtkeit verborgē sye / sond̄ mysteriū die gheimnuß / ist als vil / als sacramēt / vñ in mysterio in d̄ gheimnuß / wirt der wäsentliche gegenwirtigkeit entgegen g'setzt vō H. Chrysoſt. in Mat. in d̄ 11. predig Operis imperfecti / da er spucht: In dē g'schirē in welchē d̄z sacramēt

In mysterio

## Antwort vff S.

zū gedienet wirt / sye nit der waar lyb Christi / sonder die geheimnuß seines lybs werde darinnen begriffen. Vnd diewyl des Sacraments oder der geheimnuß eigenschafft ist etwas bedüten / so schilt Schmide vnser verdolmetschung vnbillich. Darum̄ so ist in mysterio in der gheimnuß / oder im Sacrament / eben als vil als das Sacrament essen / welches vff sin wyß oder gattung der lyb Christi genennt wirt / relatione arcana & efficaci vi Spiritus sancti, nõ consubstantiatione aliqua, ouch nit durch ein wäsenliche vereinbarung des lybs mit dem Brot. Vnd das ist das die alten Symbolicū & mysticum corpus nennend. Als Origenes über Mattheum / welcher ouch schrybt / dise spyß nach dem das sy materiale hat / gange in Buch / vñ durch das gfür vom mensche: dem aber setze er entgegen das Wort selbs das fleisch worden ist / vñnd ein waare spyß / welche kein böser essen kan. Die Sacrament aber sind geheimnussen / arcana vñnd mysteria / nit darumb das wäsentlich das fleisch Christi vñnd der dem Brot verborgen lige / sonder darumb / das es symbola vñnd signa zeichen sind der geistlichen vñnd himmelischen dingen. Welche nit durch menschliche vermunfft / sunder durch den glauben vñnd geist gesehen vñnd erkennt werdend / vñnd darinn verstand sy allein die so im glauben Christi

## Schmidlins Abfertigung. 51

Christi gleert vñ vnderwisen/vnnd mit dem  
H. Geist begaabet sind. Das aber habend  
wir in vnser Antwort am 43. blat vnnd vol-  
genden mit gütē gründen/ vñ alten fundt-  
schafften erhaltē/vñ sind deß entbietens / dz  
weñ Andres die selben widerlegt/so wöllend  
wir im noch meer fürstellē. Dañ das er sagt  
mit denē worten Christi/ Niemand essend dz  
ist min lyb/werde heiter anzeigen/dz das wä-  
sen deß lybs Christi/ warlich vnd wäsentlich  
geäffen werde mit dem mund / vnd das sye  
der gloubē vñ die leer gwäsen aller fromen  
leererē/sy syend dañ alt oder nūw/dz ist mer  
dañ falsch/die vnseren habend in vil Büchern  
durch den truck vßgangē / dise vßlegung d  
worten Christi/die den worten vnd der mein-  
nung vnseres heylands nit gmäß ist/wider-  
legt/vñ darneben wylduffig erklärt/wel-  
ches die meinung der alten kyrchē gewäsen  
sye. Aber nun die fürnāmbsten stuck deren  
dingen hie zū widerholē / wäre zū lang vnd  
vnfruchtbar / dann vnser widerpart verbüt  
das mans nit läse noch wüsse. Die aber de-  
nen es nachgelassen ist / vñ ein liebe habend  
die waarheit züergründē/lāsind das so Dec-  
colampadius vñ Martyr selbs von der H.  
Vätertern zūgnuffen geschribē habend. Vber  
das sind schier vnzalbare Bücher von den  
vnseren vßgangen/in welchen die ding stys-  
fig gehandelt werdend.

## Antwort vff S.

Wir bringend nichts  
vñ was.

Er spricht wir bringind nichts nützes herfür/sonder das allein das volangift widerlegt sye. Wie gwaltig aber Luther/Brentz/Andres/vnnd andere vnserere gschrieffen widerlegt habind / vrtheilind alle gläubigen. Doch sagt er rächt/ wir bringind nichts nützes herfür. Von anfang biß hiehar/habend wir allwäg ein ard vñ gattung der leer behalten / wellend die selb ouch fürhin einhelptiglich mit Gottes gnad vñ hilff behalten. Es ist ouch vnser red standhafft vnd wahrhafft/nit vnstät. Vnserere widerfächer aber schmidend alle tag nütze artickel der leer/von denē die alt kyrchen nichts gewüßt hat/vnnd enderend yemerdar die gattung der leer / vnnd stryend nit allein mit anderen/sonder sy sind vnder einanderen selbs vnseins / ja sy sind grad wider sich selbs / welches wir mit etlichen exemplen in vnser Antwort am 1. 2. 2c. Blatt vnd vilen anderen orten / von Jacob Andres anzeigt habend. Darumb mag Schmide jm den rüm selbs wol behalten/das er yemerdar etwas nützes schmidet/vnnd vff die ban bringe. Als in seinem vorigen Büch sagt er / Der himmel sye nach nit erschaffen / vnnd doch sye Christus in himmel gefaren / vnnd sye in himmlen. Es nimpt mich wunder / das er disen sinen nützen fund yetz nit beschirmp hat/in diser  
siner

## Schmidlins Abfertigung. 52

seiner letzten geschrifft / wider die gründ der  
vnsere die sy im fürgestellt habend.

Wenn aber alle vnser gründ so gar Vnser  
gründ sind  
noch best.  
schwach vnd vorlangist sind nidergeworffen  
in des Luthers grössern Bekantnuß / vnd  
in dem büch / Von den Worten des Nachts  
mals / vnd in Andresen Rettung des Bren-  
zischen Testaments / welche bücher sy all ha-  
bend vnd läsen mögend / wie gadt es yemer  
zü / das sy so ernstlich weerend / vnnnd so flys-  
sig verbietend / das vnser bücher / vnnnd joch  
vnser Verantwortung nit ouch gläsen wer-  
de / das doch der fromm Christenlich Käser /  
wenn er beder teilen grund vnnnd vrsachen  
hört / vnnnd flyssig erwigt / von der ganzen  
sach dester Bass könne vntailen?

Daruf gibt er frommen vnnnd geleerten  
lütten / denen er keins wegs züner glychē ist /  
güt rüpf / dan er meint er möge sy on straaff  
tragen / diewyl sy sich nit dö:ffend weeren  
noch schirmen. So werdend sich ouch an-  
dere jren nit so bald dö:ffen annehmen / vnd  
sy vertädigen / damit sy nit by etlichen Für-  
sten in verdacht komind / als ob sy sich wider  
die selben wöltind legen vnd sy schelten. Er  
wirfft jnen für die ersch:ockenlich vñ höchst  
Gottesehterung wie er darvon schrybt / das  
Christus nach sinem menschlichē geist / noch  
nit volkōmne erkantnuß Gottes vnd seiner  
werckē habe / dz er alle ding wüssen möge die



## Antwort vff S.

von ewigkeit gewesen sind / oder syn werdend. Siewyl aber Andries ander lütē sprich vntrüwlich anzücht / so mag wol syn / das er auch hie ire wort nach sinem gefallen geborgen habe / vnnnd da sy villicht vnder scheiden habend zwüschend der erkantnuß die Christus hat nach seiner menschlichen art / vnnnd dem ewigen vnd vnendliche wüßsen Gottes / vnd gesagt / dise sye der anderen nit züuer glychen / so mag sag ich / wol syn / das Andries schrybe / sy sagind Christus habe nach der menschliche art nit ein volk omne erkantnuß Gottes vñ seiner werckē. Darumb dies wyl er nit darzü setz von wem vnnnd wo disses geschriben sye / so ist nit von nöten das ich jm darauf antwort gäbe. Das allein sag ich / die vrsach die er darauf setz ist nit gnügsam / Der mensch Christus sye Gott / vñ darumb sye die erkantnuß deß menschlichen geists glych der erkantnuß der Gottheit. Dann der mēsch Christus ist Gott / aber nit vß der natur deß menschlichen geists. Wenn er aber sagt / er sye Gott / vß der natur deß menschlichen geists / vñ nit vß der natur deß Worts / das den menschen erhaltet / so wirt von der menschlichen natur gehalten / das sy in die Gottheit verwechßlet sye / wie Eutyches darvon gredt hat / vff welchese leer vnserer D. offtzickt / welches wir in vnser Antwort mit heiteren gründen anzeigt vñ dargethon habend.

Im

## Schmidlins Abfertigung. 53

Im letzten teil eines Buchs / gibt der Doctorantwort dem Eusebio Kleber / welchen er von der Allenthalbigkeit wägē zu Memmingen hat helffen vertryben / ein frommen gleerten mann / wie im die yeningen kundtschafft gebend / denen er wol erkannt ist. Die stück aber die er im fürwirfft / treffend merz teils sin des Kleberers person an / welcher sich vorhin durch ein öffentliche gschufft geschirmpt hat / vnnd ouch vff dise flag / in einem besonderbare Büchlin im antwort gibt. Darum wil ich diß allein in einem fürgang ein wenig berühren. Erstlich strafft in der Schmidle der luge das er geschriben / die Memminger syend ouch nach vferichter Concordi vnser meinung gewesen. Dann Andres spricht / sy habind im jar 1536. ire Bekantnuß / so sy der Keyserlichen Mayestat fürgebracht / widerrüfft / vnnd jr vonge leer geenderet. Aber Andres strafft sich im selben selbs der luge. Dann die Concordi ist nit also vfericht / daß die vier stett jr vonge leer widerrüfft habind / vñ die Bekantnuß die sy gemeinlich der Keyserlichen Mayestat zu Augspurg übergeben / volgends habend abgon lassen / verdampft / daruon die Acta der handlung der Concordi bericht gebēd. Daß sy aber der Augspurgischē Confession widerscriben habend / ist kein anzeigung des abfals von vnser leer. Dann der zähend

Von Eusebio  
bij Klebers  
handt

## Antwort vff S.

artickel der Augspurgischen Confession/  
von des Herren Nachtmal / ist dermassen  
gestellt / das wir in in rechtem gutē verstand/  
wol möchtend annemen / vnd der gestalt hat  
der wytberümpft Ioannes à Lasco vnder schri  
ben / da niemand loughnen kan / dann das er  
vns er meinüg nichts desterweniger allwo  
gewäsen sye. Zu dē hat Geruasius Schüler  
der vorderist Predicant der kyrchē zu Mem  
mingen / ein büch des folgenden jars nach  
vfergerichter Concordi lassen vßgon / in wel  
chem er mit vns stimpft / wie Kleber mit sine  
eignē worten / die er in seiner verantworung  
anzücht / darthüt vñ erklärt. Vnd eben diser  
Geruasius als er nach dem Protestierenden  
Krieg / als das Interim vßgangen was / von  
Memmingen hinweg zühen müßt / vnd zu  
vns gen Zürich kōmen ist / hat er vns er Con  
fession im lassen gfallen / vñ Bezügt er sye nie  
daruon abgeträtten. Es referiert sich ouch  
Kleber vff die fundtschafft der alten / die an  
gasten zügnuß kōnnend gäben / ob nach an  
genōmner Concordi die leer by jnen geende  
ret. Da ich nit sich / worum man dem Klebe  
mind glouben solle dan dem Schmidle / dē  
offt an öffentlichē lügen ist ergriffen word.

Von des Klebers Bekannenuß die ir  
Andres fürwirfft / gibt er die antwort: Er  
habe in der selbē die Zwinglisch leer nicht  
verdampft / er habe ouch des mundtlichen  
essens

## Schmidlins Abfertigung. 54

essens der Gottlosen niene gedacht: Da aber  
Schmidle sagt/es sye ein zeichen darby man  
die Zwinglischen erkennen sol. Er habe ouch  
das wort Substantzlich nit gebucht: Das  
rumb ehüye im Andries gwalt vnd vnrächt/  
das er sage / er habe vorhin anderst darvon  
gehalten dann yetz. Vnd zwaar so vil mich  
antrifft / so neme es mich nit wunder/wenn  
gloch Kleber vnserer meinüg die er für rächt  
gehalten / anfangs nit heiter hette döffen  
bekennen. Dan vnserer widersächer vns als  
lenenthalben ein söliche vnwillen machend/vñ  
mit sölicher grusamkeit die vnseren durech-  
tend vñ verfolgend/ das vil frommer eerlicher  
lüten hin vnnd wider nit döffend öffentlich  
sagen was jr meinung sye/ sonder in der stille  
by jnen selbs den armen stand der kyrchen  
müssend klagen vnd beweinen. Vnd also hat  
ouch mines bedunckens der güet man / das  
er by seiner kyrchen blyben/ der selben dienen  
vnd friden vñ rüw darinnen erhalten möch-  
te / ouch der anderen Confession seines gspas-  
nen oder mitdieners mit vorbehalt vnder-  
schriben/vff dise wyß. Dise Confession nim  
ich in dem vñ sy waarhafft vnnd O:hodoxa  
ist ouch also an/vñ vnder schriben der selben  
gern vñ von hertzen: doch dergestalt/das ich  
wyter läsen wil vnd lernen/vnnd mit lernen  
im geist zunemen. Was aber dise exception  
oder vorbehalt vermöge / weißt Schmidle

## Antwort vff S.

wol / Der nit hat wellen zulassen / Das er sinen articlen der gſtalt vnderſchreibe. Mit was worten aber Kleber ſin vnderſchreiben erkleret/vnnd was er in der verſammlung der Brüderē geſagt/wäre hie zū erzellen zū lang.

Das er demnach fürwirfft von der gemeinſchafft der menſchlichen natur in Chriſto/mit der Allmächtigkei ſiner Gottheit/ Daruf hat Kleber klaar vnnd verſtendlich gnüg in ſiner verantwortung geantwortet/vnnd die Theologi zū Heidelberg habend den Andreeſen langest vß dem verborznen ſchlupff herfür gezogen/vnd ſin Sophiſtery entdeckt. Wir habend jm auch in vnſer Verantwortung diſe zwifelhaſſrige red erkleret / vnnd zūerſton geben/am 74. vnnd 75. blat.

Zum letzten das er nichts dahinden laſſe/ ſo wirfft er dem Kleber für / ſin buch ſye jm von Gleerten ſines Gloubens corrigiert vnnd verbetteret in truck kommen: doch ſo ſtande nichts darinn / daruf nit langiſt ſye geantwortet. Das laugnet Kleber/vnnd ich glouben jm / dann ich hab ſin exemplar geſehen ehe es getruckt iſt / vnnd ſpüren das im truckē nichts iſt geenderet. Doch wäre in de nichts gſelt / das man dem Kleber billich ſolte fürwerffen oder verwyſſen. Aber das ligt dem Andreeſen an/ das er im einigen Kleber vil herrlicher läten überwinden wil/  
vnd


## Schmidlins Abfertigung. 55

vnd z Boden fellen. Ja er hat sy für über-  
wundne/diewyl er sich rümpf wie alles vor-  
hin widerlegt sye. Dann er gibt also yetz vff  
die gründ antwort/die er sonst nit kan vfflö-  
sen / oder die er mit nürwer Sophistry nit  
kan ableinen. Fromme gläubige lüt aber  
vtheilind zwüschend vns vñ jm / wie gwal-  
tig er vnser gründ widerlegt hab. Vnd die-  
wyl wir bißhär nie habend mögen behaup-  
ten / das vnser sach offentlich in einer fryen  
versammlung gleert lüten vß Göttlicher  
gschafft erörtert wurde / so Befelhend wir dē  
ganzen handel dem obersten Richter/vnnd  
dem haupt der Christenlichen kirchen/vnser  
rem lieben Herren vnd Erlöser Jesu Chri-  
sto/vnd Bittend in von hertzen / das er zwü-  
schend vns vnd vnseren widersacheren das  
vurteil sprächen welle / ouch die finsternuß  
der Papisten vñ Sophisten vertryben/vnd  
sin heitere erkantnuß / allen denen die  
in anruffend/gnädigklich wöl-  
le verlyhen. Amen.

End.

*[Faint, illegible text, possibly bleed-through from the reverse side of the page]*

*[Faint, illegible text]*





OCN 1341278492